

四庫全書

史部

欽定四庫全書

浙江通志卷三十七

關梁

五

台州府

臨海縣
附郭

平橋 赤城志在州治小廳前宋淳熙十五年宗守

穎重建跨池為屋左右植芙蓉

曾幾平橋詩浪說
吾邦小清池思有

餘水風涼枕簟芳氣馥衣裾客位經過少
官曹簿領疎良辰不行樂秋水落芙蓉

悟真橋 明一統志在府治東北宋張平叔所居之

地赤城志舊名黃牛坊橋慶元三年葉守籟更名

狀元橋 赤城志在州東一里陳侍郎公輔居之

臨海縣

城外關梁

中津橋 輿地紀勝在縣南一里修八十六丈廣一

丈六尺宋淳熙八年守唐仲友建

唐仲友修中津橋記郡介枯蒼

天台間城臨三津其中最要道招舟待濟寒暑尤病仲友以淳熙庚子來守自念承乏牧養大利可作地分官吏庀工徙度高下量廣深立程度以寸擬丈創木樣置木池中節水以觴効潮進退觀者開諭然後賦役始於四月丙辰成於九月乙亥築兩堤於皇華亭之東梵以巨石貫以堅木載護以

葛榭中為級道兩旁為却月形三其層以殺水勢
南堤上流為夾水岸以受水衝堤間百十有五尋
為橋二十有五節旁翼以闌載以五十舟舟置一
碇橋不及岸十五尋為六棧維以柱二十固以榱
筏隨潮與橋岸低昂續以版四鍛鐵為四鎖以固
橋紐竹為纜凡四十有二其四以維舟其八以挾
橋其四以為水備其二十有六以繫筏繫鎖以石
圍四繫纜以石獅子十有一石浮圖二纜當道者
植木為架遷飛仙亭於南岸遷州之廢亭於北岸
以為龍王神之祠為僧舍及守橋巡邏之室二十
有一間凡橋闌舟棧竹纜之須用錢九百八十萬
既成因其地名曰中津銘曰台江之津愴愴往來
橋之未作吾民其咨豈無智謀亦阻浮議橋之既
成其勤在繼矜吾民兮閔吾勤兮永詔厥後見斯

文
分赤城志紹熙元年江守乙祖慶元元年周守曄

二年劉守坦之嘉定四年黃守留六年余守建皆
重修之劉更名慶元黃仍其舊十五年齊守碩逆
防其壞大加崇葺舟補舊者四十創新者十有四
布版道二十有九鉤闌一百六十有二又以餘財
別為舟五穴南岸藏之以備異時更易臨海縣志
明弘治初郡守馬岱置田九頃八十一畝歲課租
銀九十八兩以供歲修今廢正德間郡守顧璘重
修歲僉橋夫二十名守橋以防橋船漂失

國朝順治十八年造石橋成移於上津西門外康熙二十五年石橋壞於大水仍遷浮橋於故地

上津橋 台州府志在朝天門外舊時亦有浮橋兵燹後橋廢馬守岱所捐田盡遭隱佔

國朝康熙三十八年知府閻承詔查出捐田四百五十餘畝重建上津浮橋並將租銀及臨太兩邑款銀詳請各分一半為橋夫工食及歲修之費後壞於大水五十三年知府張聯元清查租銀款銀並捐

俸重建歲加修葺通詳勒石

赤欄橋 廣輿記府城臨海門外晉成公綏為章安令嘗登橋望江作雪賦臨海縣志又名章安橋其上有亭東西有樓

懷義橋 輿地紀勝在縣東二里乾道六年守向洵建

交禮橋 赤城志在縣東二里一作交鯉因唐開元中蛇與鯉鬪而名臨海縣志因大固鄉舊有交禮

里故名

吉祥橋 明一統志在縣西三里宋天禧中建赤城
志以近吉祥寺故名乾道六年亭其上

通明橋 赤城志在縣東三里以其路通四明故名
台州府志宋有十將鄭者居之又名十將橋溪流
原抱城南下後決而東

國朝康熙五十八年知府張聯元修復形勝東築巨壩
俾溪水由橋下直入東湖合流靈江亦使城壕水

深便於防禦

大固橋 臨海縣志在縣東一十五里赤城志一名
雙橋濱溪舊多梅花

錦衣橋 台州府志在縣東二十里舊為邵家渡以
明布政蔡潮出已衣以成橋故名

九星橋 台州府志在縣東一百三十里宋乾道間
建有九洞

三十六渡 赤城志在縣東二十里自潮滌東至小

芝凡三十有六節故名

三江渡 臨海縣志在縣西十五里舊有官渡歲久

漸壞明嘉靖戊戌同知朱世忠邑令劉大直移徙

上流里許築大埠造巨舟建濟川堂買廢寺田三

十畝給篤工民多便之

蔣鳴玉三江渡詩靈江活
活自西來潮口沙鳴兩岸

迴萬木參天渾未曉
鳴榔一響霧中開

黃巖縣

縣橋 赤城志在縣南一十五步宋宣和五年建黃

巖縣志明隆慶二年楊令廷表重修增二橋於左

右

利涉橋 嘉靖浙江通志俗稱浮橋在縣北一里台

州府志在澄江上舊為江亭渡宋嘉定四年楊令

圭建長一百丈廣三丈為台溫通衢

葉適刊涉橋記嘉定四年

二月黃巖縣浮橋成林萬叔和為其知縣楊君言
曰橋長千尺籍舟四十欄箇絳索隄其兩旁欄圖
後猓訖三十旬斤鐵九千木石二萬五千夫工六
萬餘縣東南車馬擔負而客之塗皆達於橋西北
樵採携挈而民之市皆趨於橋諸公跨天台陟鴈
蕩行過黃巖皆喜曰增一橋矣蓋奔渡爭舟傾覆

蹴踏之患既免而升屋之富屢肆烟火與橋相望
不絕甚可壯也台州有橋自唐守始君一縣作之
抗其力如州倍難也願子記以為君酬予少從叔
和兄弟游每為予言縣直北山爽氣浮動花柳之
麗雪月之勝無不在江北予間至程頭必徘徊顧
瞻輒阻江而返屢矣今既橋而叔和與邑人日曳
杖娛戲於北山潮生汐落隨江升降悠然如泳漢
浴沂以歌詠令君之遺德而余已老不復有四方
之事徒慨想而不能從也因附
見之亦以志予之不忘斯游爾

舊設利涉橋田千

餘畝蠲其他徭貯租以備修理費不及民公私兩
便明成化間折其半隸太平隸黃巖者六百二十

二畝有奇

潘士驥利涉浮橋詩陽侯欲截澄江道
江北江南天杳杳魚貫輕舟影不流蟻

移過客何時了幾回吹斷西風顛雲片月斧
費萬錢沙禽冷眼崖花笑空山有石無人鞭

孝友橋 赤城志在縣西一里修六十丈廣三丈跨

大江別浦宋元祐中令張元仲累石為之元仲字

孝友因以名橋慶元二年圯於水縣人趙伯澣重

建築為五洞橋面亦五折取道其中坎兩旁以竅

水翼闌其上視舊功十倍焉今但呼西橋

潘士驥西橋秋

月詩玉虹橫處隔市喧夜痕冷浸青青天風生萬
籟瀉金液風定一顆摩尼圓飛步如遊桂香陌影
濕虛闌和露拍蘆花灣近
霜鴻驚亂啼錯認東方白

東浦橋 赤城志在縣東北一里許即混水閘橋

桂枝橋 赤城志在縣東二里左瑛居之宋紹興二

十八年建

利渡橋 台州府志在縣西十五里舊為斷江渡江

流湍悍人多溺死明袁令應祺建橋成於萬厯已

卯秋名利渡

秦鳴雷利渡橋記黃巖邑在山海間往來之道非緣崖而躋即跨江而渡

若摘江視他渡特險艱於濟焉肖海袁侯蒞治問民所疾苦而興葺之於是居民羣入以告侯曰是誠不可已顧帑無羨貲乃捐俸為倡遠近聞侯意爭相捐助唯恐後乃以僧元蘊練實可任悉以委

之僧乃測江之南北若干尺分為七梁梁廣如長數而殺其二鏤趾所立皆以身泅於水而定之已乃攢木以抵衝懸機以引絳蓋憑虛構實務俾堅好以為永利比成侯以酒往落命以今名

得勝橋

黃巖縣志在縣東南三十里宋宣和中建

赤城志宣和寇亂逼南鄉翼日與寇戰廟前橋上

見神立空中飛矢石如雨寇驚走南鄉得全故名

丁家渡

台州府志在縣西五里有丁婦死節於此

故名黃巖縣志明嘉靖間教諭黃統仁捐貲治舟

割田三畝募舟夫以便往來

亢山渡 黃巖縣志在縣西二十五里里人鄭于鑛
造舟以資往來置田以備修理鄉人德之

天台縣

孝義橋 台州府志在縣東九十步宋淳化元年建
以近孝義坊故名

臨川橋 嘉靖浙江通志在縣西一里赤城志舊名
西橋宋隆興二年令王琰繫石而建且亭其上琰

臨川人故名

陳騭臨川橋記隆興元年冬十月甲戌臨川王琰新作橋於邑西之谿從

欽定四庫全書

浙江通志
卷三十七

民欲也。竊距邑庭可一里，聯約以度歲，作歲圮，編
毗苦其役，迨公之來，會費五百萬錢，出俸四十萬，
為邑先爰，即故址營之，穹石以為楹，巨木以為梁，
甃以培石，灰以塗甃，二年閏月丙辰告成，公率僚
友觀之，僉曰：「大夫之力也。」願即以臨川名，遂歌以
落之，曰：「壯哉滄溟，跨蛟龍，麗今霄，漢垂蟬，竦疑若
有神，施磨礪，鞏鞏然不動，嶄華崧，環瞻山，幄凝翠，空
俯睨，溪紋織微風，夜半橫浮沆，濯中朝來掩映扶
桑紅，車馬颯，當西復東，宏規碩利，繄誰功，競將大年
壽我公，願與此橋俱無窮。」
天台縣志

元祐五年水壞，復修亭廢，明永樂七年暴漲，衝壞
知縣張垌委陸孟洋許均重建

國朝康熙六年知縣侯仁爵率里民陸必捷姜承齊等

重修

思賢橋

天台縣志在縣西二里赤城澗上宋嘉定

二年令詹阜民有德政秩滿邑人送至此刻石名
橋以紀善政又名迎賓橋橋側宋儒潘子善故宅
在焉圖經云咸平五年建後壞明萬厯十九年義
官許榜重建

長洋廣濟橋

台州府志在縣十八都長洋澗上明

洪武年間建

宋源長洋廣濟橋記天台縣西二十里
有山曰鷓鴣二水發源其間合流

至長洋復折而西與大溪匯然後涵涵東逝當夏
潦秋霖水驟進氣勢奔突咫尺如隔秦越里人壘
石為小橋不能殺水怒竟蝕而去邑大姓洪紹生
憂之乃集子姓與謀累址於淵鑿石於山犬牙相
互魚鱗密比架為高梁崇以尺計者二十有五修
倍之翼以石闌與橋相齊覽東西兩堤各二百尺
有奇傍築菴廬三楹招浮屠惠澄者守之始事至
元己亥之三月訖工於庚子之十二月費錢一萬
緡夫工一萬一百橋成隱然如虹霓跨空而收截
險利涉之効下視飛濤如履衽席遂名之曰廣濟
云

清溪橋 赤城志在縣西五里天台縣志宋令丁大

榮建大橋以鶴仙名之

楊嗣起清溪橋記清溪在縣西五里 犇注湍悍每遇

淫潦輒成巨浸慶元庚申縣令丁侯來長斯邑亟
詢之衆衆曰往昔大夫嘗有意於斯不短於幹局
則嗇於資財以故無所建立侯曰事弛於偷安功
成於有斷苟利於人以後為羞於是數斂利害貢
書於尊君京尹侍郎求度牒以就成之得錢二百
萬且捐俸以繼其乏禮致鄉之士急於義者十餘
輩分董是役士皆欣然承命始於壬戌之春訖於
癸酉之秋橋成見者歎曰是橋之成君之功蓋以
鶴仙名庶幾召伯埭白公渠之遺意明萬厯六年
使後之人知所自侯名大榮毘陵人

令岳如厚重修之橋環洞二十有八名岳公橋四
十三年令胡來聘修崇禎間知縣程良符重建石
橋七大洞廣一丈餘行人利焉

國朝順治間橋廢建木橋以濟涉

振錫橋 赤城志在縣北一十里國清寺東舊名東橋後寺僧亭其上以水聲如振錫更今名

飛泉橋 赤城志在縣西二十里蓋取孫綽賦瀑布飛流而名

茅橋 天台縣志在縣西三十里赤城志舊名通濟後以地多茅姓更今名

解渚渡 赤城志在縣東一十里始豐之水出於此

其清如紺碧焉

溪南下渡天台縣志在縣東南一里官渡在此

仙居縣

觀政

關

市橋 赤城志在縣西一百三十步景德四年建

平政橋 台州府志舊名白水橋赤城志在縣東一

百五十步宋嘉定十六年建以溪水白色故名仙

居縣志明萬歷二十年主簿曾學周重建改今名
知縣汪夢說顧震宇屢修之

迎恩橋 赤城志在縣東六十五步舊名東河橋宋
嘉定元年令姚偓重建以嘗迎詔書於此更今名
社橋 赤城志在縣西二里以其處社壇側故名上
有傾蓋亭

三橋 嘉靖浙江通志在縣西三里台州府志以孟
溪馬踪張阜三水合流而名明正德間知縣曹廷

桂偕主事張糠重建明季又圮水月堂僧德進募而新之

苦竹橋 赤城志在縣西五里其側多植苦竹故名
慶雲橋 仙居縣志在縣東十五里赤城志宋慶元
元年建以有慶雲之瑞故名

斷坑橋 台州府志在縣東二十里宋紹定六年令
程士龍政成解組民送之於此又名留程橋

折桂橋 仙居縣志縣西三十里以宋吳芾子侄聯

科故名

廣業渡 仙居縣志在縣西六十里即九郎溪也明

萬歷間主簿曾學周造舟濟人

羅漢渡 台州府志在縣東南三十五里即今羅渡
國朝康熙十七年僧於渡頭建三層樓頗壯麗

寧海縣

遺惠橋 台州府志在縣東跨玉河明萬歷壬辰令

曹學程建近程長官祠故名

桃源橋 赤城志在縣東一百九十步夾岸多桃花

舊傳水源出天台因取劉阮事而名

台州府志元儲國秀自稱

桃源主人令王士宏號桃源仙宰桃源寧海之通名也

過遠橋 萬厯寧海縣志在縣南二十五里崇福寺

前

永逸橋 台州府志在縣西由雙樓至小桐巖十里

大溪二小溪四明萬厯丁亥令周應雷建

桐山西橋 萬厯寧海縣志縣東北三十里赤城志

因山得名宋嘉祐八年縣人應宗貴築石而建適羅

桐山西橋記距縣東北隅半舍之近有聚落焉曰
桐山一溪經其中溪亦因山而畢會漱齧隄址洶
洶不可禦昔為梁以木濟諸行者曾無期月之固
由是往來之人當病其涉邑有應宗貴者集其族
人與鄉之強有力者議以石易之於是捐鏹以給
其用召釋子普寧以督其役不踰月而橋成凡植
柱二十有五鏡板二十餘錢總五十萬一邑老幼
四方之商旅有過而觀者咸嘉其用心焉羅適憶
西橋寄昉師詩長憶西橋避暑時天風六月襲人
肌水隨地脉來無盡雲過山頭去不知拂岸稚松
應偃蓋當年遊子已龐眉憑師
莫動溪邊石留待東歸題好詩

集義橋 崇禎寧海縣志縣北四十里紫溪舊志作

十二保橋

登台橋 明一統志在縣東七十五里台州府志取

孫綽賦語名之宋紹定中發運鄭霖與僧元海同

建

王應麟登台橋記寧海縣東七十五里瀕鉅海有黃公渡是為登陸之會其東曰西洲發運尚

書鄭公居焉公為太學生慨然有及物之志常涉是渡時浮屠元海適同舟公中流謂曰津人操楫涉風濤危孰甚焉盍為橋以濟元海曰是吾心也他日子策足要津共成茲事可乎公曰可哉元海裒檀施空貯橐鳩工隄石肇癸巳至甲辰一星終始成橋一洞公方董餉淮右捐俸餘佐其費又為洞者三丁未歲公起家持浙西常平使者節輪廩給俾續前緒於是五洞就而元海逝其徒有清隱

惠疇者復往叩公公戒惠疇謁諸公貴人求助且
割俸裨其不足訖訖成跨海為梁二十四洞時庚戌
夏五月也公之孫滿圖列事蹟屬應麟著石章垂
久遠乃為之辭曰台為古海限與天際渾彼橫津
坎險孰濟濤湧颺悍一葦航之鯨喙嗟人慄
危有偉鄭公懷仁斯惻身雖幸褐心已禹稷爰語
苾芻汝其維梁一念之烈填海匪難昊穹實臨成
公之志于淮于浙公濡六轡縮衣貶食惠我鄉閭
厥苑豐溥我祿之餘儒釋一心同於濟物謀不愆
素衛淇晉澳如虹貫日如龜浮江登陸結轍坦履
康莊溟波不揚百靈朝夕天吳紫鳳貼妥受職元
凱富平維何造舟未若茲橋鎮壓瀛陬鄭公之德
巖巖無極爾駟
爾車過者必式

萬厯寧海縣志元至治中圮釋復

元募建明成化十七年復圮知縣張宏宜修

上白溪渡 萬厯寧海縣志在縣南四十五里即狐

嘯渡

下白溪渡 台州府志在縣東南一十五里

常樂渡 崇禎寧海縣志在健跳城外明正德間里

人張士斌造舟以濟

太平縣

三元橋 台州府志在縣十字直街

登雲橋 太平縣志在學宮前邑生林尚冲建

渭漳橋

台州府志在縣治東一里

國朝康熙二十年知縣郭治重建

沙埭橋

太平縣志在縣東北三里林喬年建林

應禎修

橫峯橋

舊浙江通志在縣橫嶼東台州府志舊志

作月河橋

雙桂橋

台州府志在縣十四都葉檢校德驥建

靈山橋

舊浙江通志在靈山寺前

泥源橋

台州府志在江家橋西明隆慶間邱氏造

國朝康熙間知縣郭治重建

石橋

舊浙江通志在縣二十三都

截嶼渡

太平縣志在縣二十二都過渡入樂清界

清港渡

台州府志在縣二十四都三山楚門往來

之衝

金華府

金華縣附郭

金華縣

城外關梁

通濟橋

嘉靖金華縣志在通遠門外去縣西南一

里元大德四年西峯寺僧宗信募緣創造未成元

統二年浙東憲使徐奭造

黃潛通濟橋記婺瀕溪為郡二水薄城南合流

而西其勢滋大距城一里所故比舟為浮橋以達
往來霖潦暴溢絀弱弗支舟多覆溺西峯及菴禪
師憫人之病已甚謀伐石作橋以利永久度地於
浮橋西若干步定基繫石旁為兩堤中為十一頓
凡頓之形西正方東則小橢而剡其上以殺水怒
起大德四年秋九月訖十年春三月兩堤十一頓
皆集未及架木為梁禪師尋委順示寂元統二年
春部使者徐公甫下車友雲龍公時主西峯法席
亟以茲橋為言乃市大木於處之遂昌募良匠於
閩南江左以至正二年夏四月庀事於是諸頓悉

完頓之高去水四十有一尺貫以木梁被以石梵
高出頓上又八尺而橋成橋之修七百八十尺廣
若干尺覆以屋如其修廣楹間五十而為殿者三
為亭者二因浮橋之舊名榜曰通濟竊考其廢興
之故而備記之用誌歲
月貽諸後之君子云

明洪武三十五年燬於火

天順壬午副使馮靜重修成化中郡守周宗智復
為屋弘治初復燬郡守郝隆重修金華府志嘉靖
間洪水墩墮者四郡守張鉞姚文昭葉宗春相繼
重修萬厯間損壞縣令方元彥重修天啓七年洪
水傾圯縣令高倬再建崇禎七年復壞縣令王士

錄徐調元重修至乙酉被方兵焚燬

屠隆通濟橋詩芙蓉山下

錦為溪二水迢迢繞郭西襟帶勢成雙浦合簷牙
高出衆峯齊春流不斷長鴻影夕照猶聞天馬嘶

萬里登途還奏賦

仙郎何負少年題

國初知府張安豫捐俸首倡功未就至康熙癸卯守道

胡養忠知縣王世功重建庚戌又壞中塚知府吳

翀知縣李錦重修甲寅寇亂盡燬知府張蓋及知

縣王治國暫造浮橋以濟康熙二十年橋船為大

水衝壞知縣劉培捐俸分給橋南各苗造船三十

二隻以成利濟三十二年復為大水衝壞知縣趙泰牲捐俸首倡邑中募義樂輸重造新船三十六隻加砌兩岸馬頭又置田若干畝積租以為修理之費始事於甲戌年七月至九月告成

弘濟橋 嘉靖浙江通志在赤松門外維舟為之金

華縣志通武義永康達於處州原名上浮橋明永樂中義士袁大珍為舟二十有四維以鐵絙架板其上未幾洪水暴漲絙絕舟敗宣德三年大珍子

淮重建

杜桓為記

萬厯金華府志成化十三年知府周

宗智重修每舟往來必候撤板人以為病正德間

郡守趙鶴乃架木為二垛以通之

國朝順治三年橋壞九年知縣王世功重建康熙六年知縣邢振岳修九年知縣李錦加修

旌孝橋 嘉靖金華縣志一名通遠在旌孝門外通

義烏浦江下為石墩上覆以屋山橋水經其下向

東流入大溪

正果橋 萬厯金華府志即孝順橋在縣東五十五

里橋屋三間杭慈溪水經其下西南流入大溪

文明橋 嘉靖金華縣志即枝柳橋在縣南二十里

通湯溪金華府志南山水經其下北流入大溪

明遠橋 嘉靖浙江通志在縣東二十五里金華縣

志即上目橋通浦江

松溪橋 嘉靖金華縣志在縣南二十五里通永康

縣及溫台處長二十五丈楊柵溪水經其下年久

傾塌嘉靖丙申巡按御史張景重建萬厯金華府志復圯萬厯丙寅分巡道僉事李穉用石修完

山橋 方輿勝覽在縣治北二十里二巖對立溪流

亂石間故名山橋

黃滑山橋詩行行指木末路遂飛雲上時登巨石憩共聽春泉

響尋源竟莫窮即事成幽賞于石山橋詩北山之北兩山馳一徑蜿蜒石作梯脚力倦時山始好芙蓉東畔赤松西

含香橋 金華府志在縣東三十里北山水經其下

西南流入大溪金華縣志係東義往來要津為水

衝壞僅存墜塚

國朝康熙三十一年知縣趙泰牲重建

雙溪渡 金華府志在縣南三十五里接永康武義
大溪

蘭谿縣

慶成橋 蘭谿縣志一名義成連跨官塘即官橋也
在縣西一百六十步

福民橋 金華府志在縣西北城外浦口蘭谿縣志

明隆慶間圯知縣傅元順重修

思親橋 蘭谿縣志舊名塌水副使胡僖家北城以

母沒思慕而建

悅濟浮橋 正德蘭谿縣志在縣西門外臨跨衢婺

二港舊名中浮橋宋紹興中始作於江運使衍繼

成於知縣江文衡有橋莊之田以備修葺迨元季

始廢明洪武初知縣賈存義建之

徐元重重修悅濟浮橋記蘭谿

合婺衢二水邑之城臨其東潞舊有浮梁以濟元季戎馬擾攘廢渡垂二十年邑宰賈存義閔人艱

涉捐已俸倡率於是邑之好事者佐財助力不數月成其制兩舟方之駕板其上列楫其旁廣尋有四尺袤倍之為節凡五十連以鐵鎖縶並維於橋上旁溪置石櫃五以木為閘下石實其中以繫縶三置上流挽之防其順而下曲二置下流綴之備其逆而上曲橋之端累石為磴道餘三十級升者涯立其扁曰萬厯金華府志成化六年知縣李悅濟仍故名也

璉又建未久壞於洪水以舟濟渡正德四年六月

縣丞田中令民三里共作一舟而橋始成焉

章懋重修

悅濟浮橋記蘭谿浮橋宋紹興中江運使合衆力為之歲久屢壞國初以來一作於賈侯存義再作於李侯璉惜其未久皆遭洪水摧敗近有上書言浮梁不可廢者詔可其奏部檄藩府施行郡守萬

公以屬邑水田侯侯謂邑之編戶里二百四十而
浮梁用舟八十艘命民三里共作一舟所需鐵石
之類亦以其數均之衆情歡趨如治其私不兩月
而竣事其橋跨溪中有洲焉溪兩岸及中洲皆累
石為垛垛之上各樹石柱者二而中則有四焉以
八十舟聯為兩節舟上架板為梁梁之兩旁皆有
欄楣兩節之修總百尋梁廣一丈有五尺其舟首
尾皆貫以連環鐵綆縻以筏纜而兩端皆繫於石
柱又以鐵作巨矛者十下墜於淵而上繫其橋使
不隨波上下且時其水之高下以為損益又時其
開閣以通舟楫皆
侯之所經畫也

金華府志萬厯二十二年大學

士趙志臯與邑令葉永盛重建并置田數百畝充
繕修之費明季燬於兵

國朝順治八年知縣季振宜重建

赤溪橋 萬厯金華府志在赤溪上江永貴重建

楊公橋 嘉靖浙江通志在東溪上金華府志宋時

楊克悅建

板橋 正德蘭谿縣志在縣東板橋鋪下宋紹興辛

巳僧可威建

蘇簡板橋記蘭谿縣陸走郡再舍而近車聲足音憧憧達旦板橋屈其中

逢春水時至秋霖積潦衆壑悍激滙於橋下入於大溪橋壞勿治行旅病涉僧可威獨任其事因舊增新糜金錢二百萬募緣僅二十萬傾竭衣鉢以足其費營於紹興辛巳之冬成於隆興甲申之春

礮石請書夫開道途謹闕梁吏事也自郡縣力不暇給而重於勞民政廢不舉林下之人非有吏責而視朝涉者若已褰裳惕然有不安於其躬者誠可書也初威鳩工嘗語之曰昔橋高於路累尺謂水不能冒曾不知增高易欹容土難托水甚至汎濫於道固自若也當損高益平以便馳驅厚其址多為鋸牙以殺水勢益其廣疏為三碕以分湍流迨用此說工不加倍而橋遂堅壯云

蘭谿

縣志明崇禎十二年因水衝壞知縣盛王贊重建

東井橋 正德蘭谿縣志在十一都宋咸淳間知縣

沈應龍建

塢口渡 嘉靖浙江通志在忠祐廟前正德蘭谿縣

志宋時舊有浮梁知縣柴紱名曰通濟紹興中水溢橋壞僧仲機重建後又壞明永樂初邑人余邦永作舟以濟其子孟源又割田數畝以備繕修蘭谿縣志後廢余士相余伯穎造舟為渡

普濟渡 萬厯金華府志在平渡鎮即女兒渡也溪流至是東西二百餘丈水甚湍悍宋紹聖中邑人劉思恭維舟百艘以梁其上因謂之普濟橋其後邑人劉添縣尉李彥相繼修治又因鄉而改名曰

望雲橋其廢久矣今以舟濟渡云

東陽縣

玉帶橋 金華府志在東峴門內葛喬二太師住處

叱馭橋 明一統志在縣治東廣輿記舊名碧嵐西

峴山水所經

乘駟橋 嘉靖浙江通志舊名綠波橋在縣西一里

夾溪橋 金華府志在縣東三十一都界台新二邑

高十餘丈長三十丈明嘉靖間耆民趙模造

劉慤
夾溪

嶺橋記東陽縣治東百里許曰夾溪嶺蜿蜒與天台相虬錯故其巖障益深邃而巖岫水為兩崖所束下注一溪悍怒狂激行者逡巡蹣跚弛肩脅息以俟先是人嘗議橋其間率自度不能與茲水爭勢竟中寢莫有任其役者嘉靖戊戌崑山趙氏捐貲鳩匠百計圖之期必就凡費若干緡歷三載而功果竟余敘其顛末以貽東陽人俾後來者有考焉又荆屋數楹以居守者

東陽縣志

萬歷間趙明勤張宗道等復修崇禎末年橋壞里人張宗泗胡求等架木橋以渡往來便之

和尚橋 嘉靖浙江通志在縣北八里東陽縣志相傳唐駱賓王與李敬業起義兵敗逃歸追捕甚急

至此削髮為僧故名

荆浦橋 東陽縣志長四十丈濶八丈明崇禎間僧知禮募建

麻車渡 金華府志在縣東北五里有木橋

國朝康熙二十年於橋上流里許新設放生澤知縣俞允撰文勒石為禁

河頭義渡 東陽縣志在二都地都民傳一泰置

義烏縣

文昌橋 義烏縣志在縣西八十步明知縣鄭錫文

建後廢知縣汪道昆改建縣西七十步

國朝康熙三十年知縣王延曾重修

野鴨橋

金華府志在縣北百八十步繡湖渠

鄭東遊

繡川湖記柳洲花島北有小堤通洲
島堤受衆水架木為梁俗名野鴨橋

新吳橋

明一統志在縣治西宋淳熙中建萬厯金

華府志淳熙四年縣丞胡沃建橋下置閘以節繡

湖水利義烏縣志後圯明崇禎九年重建

國朝康熙十年耆民孟六卿重建十三年因縣無城斷橋以禦寇平後知縣辛國隆甃石重修

登瀛橋 嘉靖浙江通志舊名南井橋在縣南一里

崇禎義烏縣志元至正五年建明洪武三十三年知縣吳佑命李承理龔叔寧重建正統間洪水頽塌知縣劉同命趙仲芳修築改今名

繡津橋 義烏縣志在縣西南三里知縣熊人霖造

熊人霖繡津橋詩十里湖香接芰荷蕭蕭竹樹繡輕羅潺湲曲水穿山麓明月橋邊聽棹歌

興濟橋 萬厯金華府志在縣東三里舊為浮梁曰

東江浮橋宋慶元三年知縣薛揚祖更以石縣民
德之易名薛公橋尋圯於水嘉定二年知縣施寅
重建又圯淳祐五年知縣趙圓卿作新橋易今名

虞復興濟橋記邑之東江故有石橋始成於慶元
初載淳祐壬寅秋七月雨甚橋壞浮屠惟幾者欲
踵成之時朱元龍自尚書左司郎歸繡湖上惟幾
謁曰願丐一言以興此橋朱君屬之于予予曰吾家
萬山之中是謀非吾所能及乙巳冬十月趙侯圓
卿來朱君約予合辭以言侯曰吾責也博詢利病
孰宜因革或謂前創稍卑故水至而壅於是增築
其址視舊崇六尺或謂向也腹沙而背壑故易潰

於是實之土而覆以石當橋之中作屋五楹又立東西二門直西岍作閣二間栖僧伽其上凡可以增壯觀而壽此橋者無不為也橋未有名乃扁以興濟因書其始相與謀者如此萬厯義

烏縣志元大德五年僧永識重修又圯皇慶元年達魯噶齊瑪蘇緒為浮梁泰定二年僧仲文募作石橋於故址之西八步兩岸皆有石堤中疊石為七頓橋長四十二丈僧智宏募緣為屋以覆之其南二頓尋為水所激而仆達魯噶齊額琳沁重修明洪武五年南堤及二頓復毀於水至十五年主

簿聶用和復修永樂間為水激壞正統三年縣丞
劉傑捐俸倡民擇石為頓六年知縣劉同勸民助
資完之成化九年東陽盧孟涵改為卷石洞橋十
二年洪水衝壞十六年同知李珍復勸盧孟涵盧
孟實協力重建十七年暴漲衝塌十八年知縣齊
溥勸義民吳希仁南築石堤重建橋梁構屋建亭

於其上改名廣濟橋

王汶重建廣濟橋記廣濟橋自宋慶厯間縣令薛揚祖更

為石橋後繼為令者皆重造焉終不免於壞成化
辛丑元城齊溥來宰巡行江上咨嗟久之翌日遂

命匠氏伐石於山採木於林視北堤尚無恙則仍其舊南堤則累石為岸以遏水怒修一百三十尺崇與頓等中為頓凡七每頓用其舊之少半而增三之二其狀東則小檐而刻其上西則自下而上皆正方崇四十有五尺廣二十有四尺頓之上疊木六重高出頓上又八尺貫以木梁木之上布厚板被以輓修四百二十尺板之上構屋屋以間計者四十南北端為亭者二亭之外為階級升降之道中為亭者一亭東西為神祠凡屋之兩旁翼以板以禦風雨每間虛其上為楹以供眺望經始於成化十九年三月

金華府志弘治十三年知縣李

畢於是歲八月

文郁重修十五年知縣吳盛勸義官吳希彩黃子宣虞子盛捐資重修嘉靖八年大水壞者過半十

四年趙模趙幹倡義築礮建橋越二年復燬知縣
方介命趙幹重修四十五年侍郎吳百朋修之隆
慶五年橋屋壞知縣歐陽柏重修萬歷七年舉人
吳大纘重整石礮二十三年礮傾頽梁板朽壞知
縣周士英命吳彥清虞學鳳等悉新之義烏縣志
天啟七年知縣鄭極詳修崇禎十二年撤朽楹版
以石十三年知縣熊人霖倡捐并為木闌翼之因
歲首迎春於此顏曰渡春橋

國朝康熙九年知縣于連修十三年邑寇橋廢二十四
年知縣辛國隆市巨木為梁上覆以版又置田修
葺三十年知縣王廷曾倡建橋屋五十四年燬於
火署縣張若需重建

西江橋 崇禎義烏縣志縣西南四里半明知縣熊

人霖造

虞國鎮建西江橋記邑治臨大溪萬厯中主者欲於釣魚磯為梁或病其遠不便往

來遂請梁於射堂南不得已從之梁址當潭暴漲輒圯屢圯屢修公私病之歲在戊寅之秋邑侯豫章熊公始視事博詢利害罔不殫悉急召役夫徙之減馬捐薪以為經費不閱歲竣役以繩度之凡

去舊趾九百武而止侯西江之
進賢人予因名之曰西江橋

景高橋 義烏縣志縣西北十五里浦江孔道民素
病涉明崇禎十三年知縣熊人霖伐石四丈成之
廣益渡 義烏縣志縣南三里地名下埠明萬曆七
年邑民龔來時捐造浮橋知縣范雋捐俸完之十
一年來時復累石為三礮浮舟加葺如故後舟損
改高橋以鐵索纜木版而濟二十年知縣周士英
增修之後水漲橋傾改用渡

石基渡 金華府志在縣東十九里通東陽

永康縣

仁政橋 明一統志在縣東南萬厯金華府志舊名

大花橋元至元五年改建以石易今名明景泰六

年僉事馮誠重建知縣劉珂繼成之

李棠仁政橋記永康縣東

南三十步有水匯而為淵名曰華溪溪當處娶之交行旅輻輳舊以木為橋隨廢至元間改石覆之以屋洪武中屋燬於火景泰乙亥橋壞於水僉憲馮誠行部過之視橋之廢遂以贖刑之金庀材命工悉將就緒而馮弭節他郡厥功未究明年春安成劉珂來宰是邑毅然曰此有司責也遂彈力竭

思窮日夜經營之不數月而橋成其長若干廣若干石以方計者若干工以日計者若干屋凡若干楹完美壯固有加於舊費出自公不取於下衆咸德之

金華府志正德十六

年屋災縣丞李景軒葺萬厯二十八年知縣戴啓

鳳修

永寧橋 萬厯金華府志在縣東南百三十步舊名

小花橋元至順元年主簿赤盞榮祖改建以石易今名永康縣志明永樂間驛丞胡義葺弘治間市民徐得銘重建正德間圯其子璋復建

東橋 永康縣志在縣東北二百步延真觀前明嘉靖年間民趙延懷建今為木橋

梁風橋 萬厯金華府志在縣東百步永樂十四年重建

李溪橋 嘉靖浙江通志在縣東南二十里萬厯永康縣志景泰初僉事馮誠檄同知趙某督耆民李思傑施孟達建成化末圯於水正德中里人章德昭營建久弗就嘉靖二十三年僉事歐陽清捐俸

為倡檄僧德顯募緣合金衢溫處四府官民之力

成之

洪垣李溪橋記李溪渡東浙要津也舊有橋為洪波橫激以去嘉靖癸巳子承乏永康者

民章德昭走子論茲渡利害甚悉遂告諸府未得其方越七年庚子子自嶺南外補永嘉郡東裝晨涉見德昭之子章根致四明上人德顯相與經始其事既二年子以事出華溪而茲橋亦成屹然且試以三春之水矣庠生章子樹詣予為之記

永康縣志今圯別建木橋

五錦橋 金華府志在縣西十里永康縣志明正德

十三年重建

烈橋 萬厯金華府志在縣西十里永樂十四年重

建

西津渡 萬厯金華府志在學前永康縣志明弘治間知縣王秩造舟及僉渡夫以濟

國朝康熙間邑人陳疇助田為修辦渡船之資

武義縣

熟溪橋 正德武義縣志在縣東南宋開禧三年縣主簿石宗王建因名石公橋武義縣志明嘉靖二十五年令趙奇修之造六墩而止隆慶二年令林

一鶚建石墩者十架木為梁萬厯四年邑令譚音

造橋屋四十九楹

陳善熟溪橋記武義縣故有熟溪橋民病涉久矣譚侯始至有

以建橋之役為言侯曰此邑令責也但令長未信於民而先以勞之不可居二年政教修明百廢具舉民再申前議會年大侵侯曰民艱於食而時詘舉贏不可萬厯四年五月侯三載考最政通人和年穀順成侯度其時曰可矣乃捐俸為倡好義者翕然應之又益以罰贖之金五十鍰米五十石踰兩月告成侯以書來請予紀成事按橋長凡五十丈橫一丈七尺為石墩者十為屋者四十九楹好義助工者皆得書刊之碑陰

國朝康熙年間知縣李經邦重修

文興橋 正德武義縣志在縣西一里儒學之東正
德十三年縣丞林有年建樹石刻曰文興橋武義
縣志萬厯戊申重修

瑞明橋 武義縣志在縣治南八里舊名瑞村橋耆
民徐廿四等募建年久傾圯

國朝康熙二十七年史恩如募建石橋改今名

郭婆橋 金華府志在縣北十五里武義縣志舊有
婦人捐資所建故名後徐叔修之改名郭橋

雙溪橋

正德武義縣志在縣西二十里雙溪口正

德十三年徐魁建

內白橋

萬厯金華府志在縣東二十五里舊名白

水橋正德武義縣志跨白溪舊架木為之屢為洪

水傾壞正德十三年縣丞林有年砌以石凡三礅

苦竹橋

金華府志在縣西二十里正德武義縣志

正德九年徐昱建

化渡

萬厯金華府志在縣西一十五里武義縣志

溫處往來之衝風濤險惡義民何彥一捐田造船
以濟

浦江縣

南橋 明一統志在縣治南跨浦陽江萬厯金華府
志宋元符中錢尚書適所建廣一丈九尺亘三十
丈歲久水決橋壞元至正四年達魯噶齊杜諾海
作大堤三百餘丈障水還橋下橋上創亭三楹中
間以奉浮屠氏隄旁翼以扶欄植槐柳堤中創樓

以憇行者堤盡處別建小橋以洩支流人行堤上

斜睨縣南飛樓傑閣掩映蒼翠中儼然圖畫也

方櫺

南橋記浦陽江去縣治不一里而近每積潦人莫得渡宋元符間尚書錢適始構橋江上久為橫流旁出橋若虛置至正三年達魯噶齊諾海公適長是邑明年秋首割已俸修治之僚佐吏屬莫不協從凡閭巷鄉鄙之在編籍者亦皆出資以助而公專任其事焉遂鳩工伐石不期年而成其南又築堤於橋道接堤杪構小橋以疏別流舊有迎恩亭在社壇之右因徙就橋側且為屋十四楹以為偵候憩息之所扁曰臨溪橋為砥道凡廣十丈有九尺亘五十步因故名扁曰南橋堤廣視橋亘五十步扁曰浦陽於是朱欄華柱映耀鯨波虹跨鼉戴雅麗駭目樹以桑柳蓊蓊林林樵者以歌漁者以

欽定四庫全書

卷三十七

舞負者戴者以往以來喁喁相屬也邑父老來屬余記故為之詳焉崇禎浦江縣志

後圯明萬厯二十年造木橋以便行者

國朝康熙十年邑人李如珪重修

韓西橋 萬厯金華府志在縣西一里浦江縣志月

泉水所經

羅漢橋 崇禎浦江縣志在縣東十七里先有巨石

屹立溪中相傳石為羅漢所攝即石建橋因名左

溪山水所經

石斛橋 浦江縣志在縣東三十里

呂祖謙入越記石斛橋溪流潺

潺岸旁大石如屋西走浦江道也

席塲橋 崇禎浦江縣志在縣北三十里巖坑山水

所經宋寶慶初邑人毛日嚴建

林子燕席塲橋記聚席塲橋者幾百

家山為垣溪為閘溪沿羣山斗折蛇行迢迢三里居民編木以渡今天子踐極元年毛君日嚴捐帑

廩鳩匠石砌橋於往來之津長二十八丈廣一丈八尺翼以闌楮鎮以魚虎計工四萬有奇三年而

成予聞而高之曰利人本其仁任事本其勇不實貨財本其廉能通人情本其恕本是四者可以觀

其人矣

孝門橋 萬厯金華府志在縣東三十里浦江未置
縣時地屬義烏北鄙因顏孝而名

泰平橋 浦江縣志在縣東三十五里治平寺邊鄭棠

為記

定龍橋 崇禎浦江縣志在縣東三十五里官巖山
麓為浦陽山水所經路最要衝萬厯甲申僧廣倫
募建

湯溪縣

黃石橋

嘉靖浙江通志一名黃路橋在縣北六里

雙龍橋

萬厯湯溪縣志在縣北十里羅夢鵬造

馬村橋

湯溪縣志在縣東北十里章勤造

表忠橋

萬厯金華府志在縣南十五里忠烈陶公

廟後

白馬橋

萬厯湯溪縣志在縣北十五里章琛章繼

同勑

官橋

金華府志在縣西十五里森林湖畔

白龍橋 金華府志在縣東北二十五里明萬厯甲

申知縣陳茂驚始創石橋

葉灣渡

萬厯湯溪縣志在縣北二十里

張文瀛葉灣渡記出

城西二十里為葉灣西南接衢枯諸郡水而北合東陽新安江為浙東上遊之要津行旅需扁舟濟者指千萬計而一二榜人挾陽侯之勢以制行旅緩急生死之命亡誰何者邑侯汪公進諸父老問計對自趙宋以來邑人江衍嘗造舟為梁方是時僅衣帶水耳今洪濤澎湃虹梁非策也莫如官為造舟募水工以濟行者便侯曰諾遂捐贖錢首事而風諸善良以義樂赴者數十人鳩工庀材為船三艘復計所以利永久者以羨貲買田二十畝擇人掌其歲入以為修葺費既成長老屬予為記遂

不辭而
為之書

衢州府

西安縣
附郭

三鳳橋

衢州府志在郡治東正街明郡守楊準建

寶坊橋

西安縣志在郡治東察院南郡守楊準建

朝真橋

弘治衢州府志在朝京泉大井東衢州府

志舊時用石平鋪架屋其上

國朝康熙四十六年疏濬城河里人募貲重建特令高

濶以通舟筏入城

西安縣

城外關梁

通和橋

天啓衢州府志在朝京門外水亭埧萬厯

四十四年郡守洪纖若邑令劉有源勅造

國朝順治庚寅巡道李際期知府韓養醇知縣成晉徵

修造頗如舊制

李際期通和浮梁碑記衢州城西朝京渡浮舟為梁始萬厯士子郡

邑賢大夫洪纖若劉有源從紳士方應祥等十有三人共底乃績更謀踵事籍腴產若干歲入鏹二百八十有羨備詳通和橋錄中歷半週甲氏稱利賴鼎革間廢且復尋又廢順治己丑秋予由督學

奉

命巡金衢洛衢士民遂以暢月鳩工越歲火西告竣踐

舟二十有六編木架之廣二尋虹跨中流高視廣
川徒行絕水櫓行絕梁舟鉅丈有仞維以鐵絙左
右抵岸各十尺制皆從朔既成偕郡守韓養醇邑
宰成晉徵酌而祝之董其役則門下士徐國珩徐
應瑜徐應晉余兆斗王大成徐國廉葉其
珪凡七人助財勸功別勒貞石並告來者 甲寅之

亂僅存枿木駕敝舟康熙癸亥春總督王國安捐
金更新之

東蹟浮橋 衢州府志縣東去城十里明萬厯間金
梅造今廢

迎恩橋 嘉靖浙江通志在光遠門外衢州府志舊

用木平鋪凡三截後去其二易以石虹上用石板
平砌兩傍石闌

國朝康熙四十八年知府楊廷望知縣王涵重建改名
光遠

高橋 天啓衢州府志在拱辰門外二里舊以木為
橋隨作隨壞成化間王玩易以石

驛馬橋 弘治衢州府志在縣南五里即今落馬橋
俗云黃巢到此落馬遂不敢入城因名

章戴橋 弘治衢州府志在縣北二十里一名東津

橋宋紹興四年守李信甫屬陳昶率衆為之嘉定

八年守魏豹文重修

毛憲章戴橋記章戴之水夏秋淫潦輒奔放洶湧紹興甲

子橋壞官責四里正僅成畧約以濟隨地李公信甫來典川顧察吏曰橋梁之設有先於東津者乎以錢二百萬屬寓居故徽州通判陳公昶召匠慮材經營締建寺丞蕭公忱繼之捐錢且百萬叅政婁公機時知西安縣亦二十萬總錢一千五百萬陳公董視斯役不憚寒暑橋成纔幾年而石將泐木將撓前官告院陳君汶一日訪予曰先君有志東津橋殆無遺力今漫弗訾省實所甚懼盍為我籌之余曰今太守魏侯下車甫期月政平訟息事有可為次第畢舉君盍試以東津之役言之陳君

是余言詣郡白前故魏侯亟領納曰此郡邑責也
遂屬役庀工越三月役終侯取廢寺及沒入官之
田可四十畝贍僧區畫周盡足利悠永落成之日
東西行者歡欣呼舞是役也陳君得以成其先子
之志魏侯又有以成陳君之志一
舉而無二善焉是不可以無述
西安縣志明萬

厯丙戌改鋪石面今毀二節居民用板補之

百靈橋

崇禎衢州府志界江山縣浙閩孔道往來

病涉崇禎癸酉通判湯瑩署印江山捐俸倡建西
安令花上苑協成

蓮花橋

弘治衢州府志在縣北三十里宋紹興二

十七年易之以石衢州府志歲久毀壞用木筏撐
渡

國朝康熙初有僧濟澄自靈隱來寓蓮花寺寒夜風雨
中感墮水呼聲設願構橋改置橋墩於一里之下
高三丈捲石梁五砵每砵濶四丈橋面濶一丈六
尺兩埕五墩共計長三十五丈橋面砥平傍採青
石為欄左右一百二十檻始於康熙己酉九月成
於庚戌冬杪約費四千金為西邑溪梁之最勝者

安仁渡

天啓衢州府志在縣東三十五里

楊萬里游衢州

仙巖過安仁渡詩明發溪山一雨餘覺來暑氣半分無行人道是三衢遠穩掛東風十里蒲

盈川渡

西安縣志在縣北五十里

龍游縣

白蓮橋

嘉靖浙江通志在縣南跨濠水衢州府志

宋乾道中令林自立嘗種白蓮其下週甃以石

通駟橋

弘治衢州府志在縣東百步宋紹興甲戌

令陶定建淳祐間樞密馬天驥重建元至正間壞

於水達魯噶齊特默齊重修明洪武間燬永樂初

知縣祝淵因舊補完正統間縣令張惠構石捲砭

龍游縣志天順中知縣王瓚重增石捲砭仍覆以

屋

商輅通駟橋記通駟橋宋淳祐間樞密馬天驥所建石其墩而架以木行者便焉歷年既久風

摧雨蝕木朽腐不支行者病焉天順庚辰弘農王君出宰是邑政教無行士民嚮應乃進耆老於庭

而告之曰徒杠輿梁之成見於周禮誠為政之先務也矧通駟為橋西通百粵東達兩京使車之往

來王程之遲速係焉非但商旅之經行而已乃命善工斲石捲而成之空其中以醴水者十其長以

丈計者八十有奇而費以緡計者若干工力弗與焉始事於壬午之秋落成於癸未之冬因為記以

傳來 衢州府志嘉靖十年知縣陳越二十六年知

縣劉梁四十五年主簿張蕢相繼修隆慶六年知
縣涂杰重修萬厯二十七年中圯四砭知縣郁德
重修三十四年燬知縣吳應試重修崇禎十二年
復燬後止架木為梁無復蓋屋不數年輒朽朽輒
再易云

文昌橋 衢州府志在永安門外邑人余邦輔募緣
為墩六為砭五架木以通行者緣無覆屋架木漸

圮萬厯三十六年知縣萬廷謙復行募捐架巨木

蓋屋三十餘楹上有文昌像故名

萬廷謙建文昌橋記龍邑故多

橋橋於治前者白蓮也橋於靈源者通馬也第通
駟築而望氣者忌其下流居空砂水飛走以致邑
里蕭落科第晨星鄉大夫松野余公病之乃聚族
而謀募義鳩工驅石為礮捲墟為缸閱六載始告
成焉無何而以無覆屋將就圮也會予來領邑事
復節肺石之餘以充費工訖凡三十楹浮屠七級
文昌祠巋然居首費金一十有奇橋遂翼然改觀
自是襟帶山河連環織鎖地脉輪轉人物蔚興架
梁之功豈曰
小補之哉 龍游縣志崇禎十三年為水所壞十

六年知縣黃大鵬重建

國朝順治十五年橋燬於火康熙二年知縣艾朝棟重建十六年復燬十九年知縣盧燦縣丞何應武典史李斌重建

穀水橋 明一統志在縣五里宋嘉祐間建

九里橋 衢州府志在縣西九里明永樂間義民余希哲建嘉靖間呂廷宣重建

馬報橋 萬厯龍游縣志在縣東十五里相傳扶風守徐弘戰死家人不知其所乘馬馳歸報始覺因

名明嘉靖間知縣甘用世重修隆慶間知縣涂杰
重建為礅五墩四廣二丈長十五丈

築溪橋 弘治衢州府志在縣東二十里景泰間知
縣張惠重建萬厯龍游縣志偃王築室居此故名
嘉靖間知縣甘用世重建為礅五墩四廣二丈長
二十丈

笋墩橋 龍游縣志在縣北六里義民余緝建廣一
丈五尺長十丈為礅四為墩三

國朝順治年間邑人余宏重修

仙跡橋 弘治衢州府志在縣北三十五里舊名上
虹萬厯龍游縣志洪武間里人龔子禮建有異人
過擲錢賚匠氏錢跡印石猶存故名

通濟渡 崇禎衢州府志在通濟門外

常山縣

仁壽橋 常山縣志在城內南隅坑頭

觀風橋 萬厯常山縣志在縣東文筆門外下跨龍

潭舊名迎恩成化間知縣余完建圮於水嘉靖元年知縣侯正綱重建覆屋九間改今名

廣濟渡浮橋 嘉靖浙江通志跨縣東大溪弘治衢

州府志明初知縣劉利用建名靈濟橋尋廢永樂

間知縣仇經設渡夫以舟濟弘治戊午知縣王錫

等仍建浮橋

吾學常山浮橋記常山廣濟渡故未設橋涉人告病弘治丁巳浙藩大參

湖湘吳公紀行邵至縣謂知縣王錫曰古者辰見角而雨畢則除道天根見而水涸則成梁有司者可愬然乎王侯曰諾乃造舟二十束板其上旁翼以楫聯以鐵繩繫於兩崖之石以原設渡夫十二

人易名橋夫俾專視守葺興事於
丁巳冬十月訖工於戊午秋八月 衢州府志正德
初舟壞知縣陶金築石墩十座架木梁於其上鐵
鎖橋夫如故遂為經久之規

鎮安橋 衢州府志在縣小東門外明萬歷間邑人
陳朝等募建

新溪橋 萬歷常山縣志在大南門外嘉靖間邑人
汪文鳳建

儻溪橋 崇禎衢州府志在縣北五里萬歷常山縣

志舊以舟渡名金川渡弘治間分巡吳紀知縣王
錫建浮橋於其上正德初改為石橋嘉靖末年圯
隆慶三年魏誥等重建

巖口橋 萬曆常山縣志在縣西南鄉七里巖嶺下

僧永增巖口橋題碑溪之水一雨則漲涉者病焉
在城詹斯詹潛詹瓊詹輝思有以濟之正德乙亥
秋捐貲創建石橋一所屬予董其役告成甫五載
而水壞斯乃獨力了結前緣高堅益加於舊雖雨
病涉者免矣實正德
辛巳仲春望日也

龍遠橋 衢州府志在縣西北六十里橋旁兩峯峻

削相傳有高僧日坐河墻誦經募錢每人止取一文積數年成此橋後有龍欲踰橋去不能乃爪攫東壁山飛去降遂安北鄉今兩處皆有跡可驗

永安橋

常山縣志在七都球川石潭頭

徐烈永安橋詩兩岸

青山一水遙桃花三月漲春潮何緣谷口通樵客恰好沙灣架石橋

湖澄渡

萬厯常山縣志在縣北二十里

詹山湖澄渡詩漠漠

烟雲午未開危樓獨倚漫徘徊行人待渡心方急隔岸小舟來未來

招賢渡

弘治衢州府志在縣東三十五里

江山縣

仙霞關 明一統志在縣南一百里抵福建界為入閩

咽喉之地

薩都拉度閩關詩白雲下千峯盡入懷袖裏振衣度閩關灑作山水仰登天無梯

俯視井無底古來守關人豪傑存有幾寒食百草青春風吹不起劉基過閩關詩二首關頭霧露白濛濛關下斜陽照樹紅過了秋風渾未覺滿山杭稻入關中峻嶺如弓驛路賒清溪一帶抱山斜高秋八月崇安道時見棠梨三兩花張以寧登閩關詩獨步青雲最上梯八閩如井眼中低泉鳴萬鼓動哀壑山飲雙虹垂遠溪家近尚無鴻鴈信客愁復有鷓鴣啼書生未老疎狂意更欲崑崙散馬蹏

謹按仙霞嶺即古泉山也杜佑云泉嶺山在衢州信安縣西南二百里漢朱買臣云東越王居泉山一人

守險千人不能上今其山周圍百里皆高山深谷磴道凡三百六十級歷二十四曲長二十里唐乾符五年黃巢破饒信歙等州轉畧浙東因刊山開道七百余里直趨建州即此嶺也宋紹興中史浩帥閩過此始募人斃以石路自是鐫除鏟削舊時險阨稍就寬平凡自浙入閩者由清湖渡舍舟登陸連延曲折逾嶺而南至浦城縣西復舍陸登舟以達於閩誠兩浙之鎖鑰八閩之咽喉也仙霞關之東西復有五關一曰安民關在仙霞東南三十五里路通處州遂昌縣一曰二渡關在仙霞西南八十里路通江西上饒永豐縣一曰木城關在仙霞西南六十里一曰黃塢關在仙霞西南五十里路通永豐縣一曰六石關在仙霞西南三十里路通江山縣及廣信之玉山皆江浙往來之間道與仙霞共為六關故土人有仙霞六關之稱

九清橋 天啓江山縣志在清湖萬曆二十二年知

縣蔣光彥建天寧寺僧性德與周德福等募化採石作九垛每垛高七尺橫二丈直三十丈作屋覆其上共二十四間

自為記

天啓三年被水衝壞

國朝康熙間總督郭世隆即九清橋舊址建橋船二十隻鐵索二條知縣朱彩建亭兩岸

浮橋 嘉靖浙江通志在鹿頭溪縣東二里

橫湖橋 弘治衢州府志在縣南十里景星鄉天啓江山縣志邑人王溥建萬厯間溥孫良佐重修

延齡橋 弘治衢州府志在縣南三十五里江山鄉
江山縣志明嘉靖間知縣黃綸重建

國朝康熙二十五年大水摧壞三十六年福建提督張
旺重建

昭明橋 正德江山縣志在縣南三十里江山鄉宋
僧木菴建衢州府志明知縣劉桂重建邑人指揮
王允德倡募王志鄭思澤董其役程澤捨田助銀
贍之天啓間知縣張鳳翼令澤孫程德春重建

國朝康熙三十七年改建石礮旁置菴亭

慶雲橋

天啓江山縣志在長臺里人朱夏柴時秀

建

韓駒慶雲橋詩縣郭連青野人家蔽綠蘿地偏
春事少山迴夕陽多暗水披崖出扁舟掠岸過

傳聲細扶柁吾老怯風波辛棄疾慶雲橋詩二首
草梢出水已無多村路瀾漫奈雨何水底有橋橋
有月只今平地怯風波斷崖老樹互撐拄白水綠
畦相灌輸焉得溪南一丘壑放船畫作歸來圖

吳村橋

弘治衢州府志在縣東四十五里感化鄉

正德江山縣志一名步雲橋吳祿應建

太平橋

正德江山縣志在縣西南五十里姜叔彬

建

國朝康熙三十五年大水衝沒三十八年祝禮鎮徐良梓重建

峽口渡 正德江山縣志在縣南七十里為閩浙要道知縣吳倬造船砌埠翼以兩亭往來者便之衢州府志明嘉靖間知縣黃綸置渡船二隻夫四名開化縣

和平通濟橋 明一統志在縣治東弘治衢州府志

宋紹興丙子邑令喻仲遠建庚子令丁朝佐重建

江漕通濟橋記開化溪水湍悍舊為民病政和間
參政李光為令日始為橋以便往來草創之初其
制未盡不能支久紹興丙子令喻仲遠集材鳩工
倣松江垂虹之制為之壯麗精密暮年而成歲壬
辰復圯於水又十年市醫胡應瑞易為浮梁徙諸
上游溪水淺澗不常易以腐敗今令金華丁朝佐
下車父老皆以橋為請君乃因舊址度其廣袤之
數截流而東其長六十丈分為二十三節捐已俸
先造三節以為民勸應者紛然遂足其數始於庚
子七月壬子成於九月辛未每節為六柱三槓兩
旁益以二楯橫貫以巨木四下施鐵鎖鉤聯以為
固板厚二寸五紛廣一丈四尺盡布以甌傍壓以
石為屋以蔽風雨中為亭奉浮屠氏為民保護負
者乘者如履平地不知身在風濤之上也橋成書

來求記予在桑梓實聞其詳故紀其實

慶元間令趙伯玉重修咸淳

圯於水里人徐斗高等起造浮橋縣令胡通直重

修元至元間主簿丁世傑架橋蓋屋至大間里人

方景任鳩工建造尋壞元統間主簿訥古伯重建

明洪武初知縣何永安復建九年圯洪熙乙巳洪

田寺僧向誠募緣侍郎吾紳主事宋玘與好事者

徐叔謙倡率造舟為梁

國朝順治中知縣朱鳳台重修

雙溪橋

嘉靖浙江通志在縣東一里弘治開化縣

志宋政和中縣令李光建後圯於水紹興乙亥令

喻仲遠重建

毛升雙溪橋記開化二溪古未置橋政和中會稽李光嘗涖茲邑始教民

為橋然制度陋甚卒為湧水所毀厥後里豪相與踵之而功大費夥累歲不竟紹興乙亥歲今令桐汪喻仲遠之來審知其故因行視地勢商度工用勸募閭伍應者雲集即近山得鉅材數百根費以大省未幾橋成如所素計丙子某月某日明年某日則始訖之歲月日也鑿溪之深聯木為械步二而柱橫木貫之三藉以大板其厚四寸飛欄相扶以翼其外中為亭以便休息乘者得以安行者得以肆千百年之缺一朝而舉之是亦難矣始予聞而心善之會衆請文為記故備述其本末以告來

者
衢州府志後圯明成化間令林清伐石甃墩嘉
靖間復圯令李文重建

石梯橋 開化縣志在縣北三里石壁峭立下臨密
賽淤有道士疊石為梯七十餘級橋成勢若飛虹
金溪橋 弘治衢州府志舊名南歸橋在縣南五里
察溪橋 弘治開化縣志在縣北十里徐滔建宋咸
淳間圯於水遂剋渡船

仁壽橋 崇禎衢州府志舊名虹橋在縣東二十里

巨濟橋

弘治開化縣志舊名孔埠在縣南三十里

鄭原善巨濟橋記金溪邑萬山間去治三十里曰孔埠其地當吳楚閩越之往來一川清瀉涉者病之始里人劉同祖度為浮梁其季父清暉公扁曰巨濟里之陟是橋者如履康莊喜之相與為永久計得田二十五畝籍其歲入更無後顧憂居數年日朽月蠹摧剝就圯田之籍於橋者已歸於故主而扁亦不復見延祐四年春清暉之子文敘與同祖之子秀孫復經工庀材為舟凡十有六廩以鐵繩翼以丹楯踰月悉復舊觀田與俱復視昔增善因擇謹厚者司其籍以相其後又數月而舊扁出焉默若有應者嘻亦異哉是不可以不記其助田之姓名類見之碑陰云

國朝順治中知縣朱鳳台重建

龍山溪口渡

嘉靖浙江通志在縣南二十里石門

鄉

浙江通志卷三十七

欽定四庫全書

浙江通志卷三十八

關梁

六

嚴州府

建德縣
附郭

縣治橋 建德縣志在縣前明萬厯十一年知縣俞

汝為建

三元橋

嘉靖浙江通志在郡治南嚴陵志舊名卧

龍明洪武初改名宣威正統十三年知府黃澍以

郡人商輅中三元立坊其上橋亦以名

建德縣

城外關梁

烏石關 嚴陵志在縣東十五里

謹按烏石關以烏石山而名江流所經下有烏石灘又有三河關在府南四十里即東陽江渡口也唐置三河戍於此宋為三河驛當金華大道

鮑公橋 建德縣志在城西和義門外龍山之水從

北門遠城至武定門以達西湖向有磚橋跨其上

國朝康熙九年協鎮鮑虎易以石梁左右皆鑿石楯故

名

呂公橋 嚴州府志在城西一里為徽寧及淳遂壽
經行之要路當山谿之水直入大江行道患涉明
萬厯三十八年知府呂昌期捐俸倡成

余浦橋 新定續志在朝京門外宋景定辛酉建圯
於水郡貢士王炎重築嚴陵志明洪武初重建成
化七年知府朱暄復拓而新之

國朝康熙七年協鎮鮑虎改建石橋圍以石欄

金匱縣志卷三十八
咎溪橋 建德縣志在城東南十五里通浦江為浙
東要衝明萬曆三十五年建復於橋之西建一菴
以護之知府呂昌期題扁曰長虹永鎮

國朝康熙元年重建後山水衝決橋圯為木筏以渡行
人

胥村橋 嚴陵志在縣東北三十二里胥村舊名朱
紫橋明洪武三十二年建正統間圯弘治五年知
府李德恢勸諭邑人王景貴捐貲重建長二十餘

大改令名

李德恢
為記

風矧橋 新定續志在陪郭塢有亭八楹宋景定辛酉圯於水嚴陵志明永樂十六年九峰寺僧重建濟川橋 明一統志在府城東北五十里白馬澤嚴陵志元至正七年里人吳元俊重建

賀方
為記

招賢橋 建德縣志在城西六十里嘉靖浙江通志漢會稽太守朱買臣嘗寓此築室讀書鑿池為滌硯所後人因名曰朱池又名其里與橋皆曰招賢

烏石渡 紫溪渡 嚴州府志一渡在東關下五里
風濤最險時有覆舟之患明萬歷四十年知府呂
昌期捐造船二隻分為上下兩渡令其遇風覆舟
協力相救閒則渡人往來仍置田六畝以給工費
淳安縣

錦溪關 舊浙江通志在縣東六十里

謹按錦溪關其地有小溪巖怪石巉削水陸俱險嘉靖間知縣洪英明設關於此以禦礦寇

青溪橋 嚴陵志在縣南跨溪為浮梁舊名百丈橋

宋淳熙六年知縣陳曄建

胡南達百丈橋記淳安舊名青溪以瀕溪而名

也源自點歎東注浙江旁連船信甌閩諸郡以起吳會往來柳比朝夕不絕舊有浮梁規模狹小車馬之蹂躪雨暘之剝蝕漫不加飭至布板以渡渡者凌兢或墊溺以葬魚腹令尹慨然捐俸以先之邑人皆喻歡趨樂助命僧如海總焉自始庀工越五月而竣南北百丈因以名橋堅厚平夷如通衢軌道行者嘆因循之久而作新之速又念風雨燥濕之不齊腐朽波蕩之不保於後也市田百畝有奇歲收其入使修者有繼較夫粉飾目前而不計異時以傳舍梯榮者相去億萬鄉父老屬予為記乃次第其語題於橋之礎庶幾道人過之或撫以上聞也

慶元三年知縣鄭擢新

之淳祐丙午知縣虞旣改今名

王遂青溪橋記淳祐六年淳安縣青

溪橋成知縣事凌陽虞君執求文以誌不朽淳邑山溪上受歛流下過錢塘而注之海比歲邑多水患屋廬漂蕩津梁之設屢修輒毀虞君捐俸錢四十萬為之倡官吏人士駢首聚財長橋貫之為節一十有八浮橋跨之為節二十有七絙鐵聯舟其數一倍始於秋七月成於十月妄費盡省而徒杠與梁之病不聞易名青溪廢興之故曷可以不記因采民之歌而繫以詩

馬踏橋 嚴陵志在縣東一里相傳昔有仙人騎馬過此馬跡猶存

西礪橋 嚴陵志在縣西三里上有戈府君祠又名
闕安橋淳安縣志一名武安橋邑人洪本美重修

惠人橋 新定續志在龍山鄉跨合洋溪長三十丈

累石為趾架屋其上嚴陵志宋淳熙二年重建一

名合洋橋

陳勝合洋惠人橋記合洋有溪衝衢絡繹行李問津憧憧不絕異時編新獨木

以濟投步喘心若春夏淫潦狂湍空來則蕩析委波而逝咸逾旬阻絕無以濟不通民病涉久矣今為橋其上修三百尺廣十二尺負幹甚隆布版則密覆以長廊掖以朱闌堅鎮傑麗長虹卧波若濟巨川毋假舟楫予嘗按諸易凡履險者必曰涉川所以利涉而濟險者莫橋若豈惟橋哉凡爾民處心惠濟毋行險而胥溺毋薄人於險能如是橋以通往來無彼此隔阻之虞居斯世也豈不砥如坦如永底蕩平哉是為記淳熙二年徒杠輿梁告成之月也

平水橋 嚴陵志在縣南五十里溪流峻急涉者每有墊溺之患明成化間知府朱暉通判劉永寬始為木橋以濟之名平水橋

聚星橋 淵鑑類函在縣東南五十里相傳宋時近橋有邵氏前後五人登第故名

魁星橋 明一統志在縣東北六十里以其地有魁星石而名

馬巖橋 新定續志在安福鄉制如合洋橋而其長

過之

仙人橋 嚴陵志在縣西八十里尹山銅源古有汪
聖僧菴橋居菴前其北一石儼立若人鄉民因以
禱祠焉

青溪渡 嚴陵志在縣南一名縣前渡

楊彝過青溪
渡詩天闔街

江雨濛濛上客衣潭清魚可數沙晚雁爭飛川谷
留雲氣鵲鵲傍釣磯飄零江上客歌倒一帆歸江
暉青溪夜渡詩月沉河靜水無烟獨倚中流
欲進船兩岸山光涵夜色數聲漁唱白雲邊

桐廬縣

水關 嚴陵志在縣東二里桐江口

謹按水關當桐溪入江之口合江巡司置於此又有浮橋關在縣北五里桐溪上柴埠關在縣東南二十里柴埠灘

舊有兵戍亭

寶慶橋 新定續志縣市橋桐廬縣志宋嘉定間令趙汝憚建橋成適改元寶慶因名俗呼縣橋

進賢橋 嚴陵志在儒學前明宣德間邑人姚惟可甃石為橋教諭陳鈞訓導胡如暘等復高廣之大使藍致甃路桐廬縣志俗呼為新橋

龍津橋 桐廬縣志在上坑埠一名邏浦橋又名楊家橋明洪武元年洪水衝圯弘治間邑人王希哲義民王孔昭重建

丁橋 嚴陵志在縣東北十三里相傳昔有丁丞相者養馬於此為澗所隔因造橋以渡後人遂以名之

濟川橋 嘉靖浙江通志在縣西北十五里桐廬縣志宋嘉定年里人重建易以石今名霧露橋

安福橋 桐廬縣志在縣西北二十五里明弘治年
義士柴溥率衆建尋圯正德間溥獨重建萬厯三
十五年又圯王應德募建

國朝順治十二年大水壞邑人柴文卿王家臣等募建
石梁二洞

朝京橋 嘉靖浙江通志在縣西三十里當驛路要
衝宋淳熙十三年建

世濟橋 明一統志在縣西北三十里元至正六年

里人姚壽翁建翰林學士承旨歐陽玄書額

朱橋 嘉靖浙江通志在縣東南三十五里漢朱買臣嘗負薪於此故名嚴陵志一名朱家橋元至正三年里人重建

月梁橋 桐廬縣志在縣東南三十五里橋灣如月故名

袁闡橋 嚴陵志在縣西北三十五里路當溪險歲久壞宣德間里人喻叔良募緣重建

國朝順治十八年圯皇甫應谷募修康熙十一年復圯

皇甫一璋等重建

凝紫橋 嚴陵志在縣西北四十五里元大德二年

建

浮橋渡 桐廬縣志在縣北三里宋名裏口渡景定

五年令胡太古建浮橋以船為之德祐末文丞相

潰軍數萬至東溪縣令李友仁撤浮橋拒之遂廢

自元迄今設舟以濟猶呼浮橋埠有渡田若干畝

遂安縣

鍾義橋 嚴陵志在縣南跨溪為浮梁邑士王總得
捐田五十畝命永濟菴僧掌其入隨圯即修往來
者德之菴廢橋毀邑人為舟以濟遂安縣志一名
南韓橋明嘉靖間邑民王思洪倡義建橋墩十一
架屋覆之十八年大水墩屋盡壞隆慶間知縣周
恪建木橋萬厯辛亥知縣韓晟修復石墩架板成
橋壬子大水復壞自後仍用板橋歲歲修易以為

常

王辨登寄題南韓橋詩山縣橋成帶郭斜詩傳鴈足寄天涯虹蜺跨漢波千頃烏鵲浮空邑萬

家曉涉不勞歌瓠葉春流還許泛桃花濟人誰似神明宰漆洧乘輿莫漫誇

龍渡橋

萬歷遂安縣志在縣東三里洪武二十八

年建

姜石安題龍渡橋詩龍溪遠與大江連驅石為橋不記年虹影靜搖波底月鴈行斜渡澗

湄烟風清客使歸驄馬日落漁人繫釣船愧我自非題柱客也應從此去朝天

買儀橋

嚴陵志在縣南十里明景泰元年里人王

智榮建地名買儀因名

豹石橋

嚴陵志在縣西十五里溪旁有巨石如豹

故名

東亭橋 嘉靖浙江通志在縣東二十五里其水自
北來者出於松源自東北來者出於東塢自西北
來者一出於燕源一出於霞嶺四水流至東亭之
地始合為一萬厯遂安縣志成化十三年嚴州府
通判劉永寬修建邑令朱福董成之

蕭彥立重建東亭橋記東

亭在邑東僅一舍許舊有橋年久頽圯大尹朱福
少尹張敏盧端幕仲士高各輟俸資以倡改作上
其事於郡邑之耆庶欣然助費於八月癸未始事
其制中為二墩墩之形南則正方北則斜銳其上

以殺水怒兩崖皆為石堤而中拱其脊仍設扶闌於上以防顛墜其崇一丈八尺廣如之修五倍於崇之數而加強

焉冬已卯訖工

風沂橋 萬厯遂安縣志在縣西三十里舊名豐沂元至元間改令名明天順間里人毛希誠重修正德三年毛彥恭因其額用石添砌

馬石橋 遂安縣志縣西三十里相傳明太祖略地新安過連岑至此旋師於石間上馬因名

龍峯橋 嚴陵志在縣西四十里一名壽春橋明正

統間重建

黃村橋 嘉靖浙江通志在縣西北四十里萬厯遂

安縣志以村名宋宣和間邑人詹安建明嘉靖時

安十二世孫詹廷輝重建并創屋九間於上

陸希和為

記

宋家橋 嚴陵志在縣南五十里宋家塢故名明成

化八年里人徐叔賓重建

罟網渡 遂安縣志在縣東南三十里路通西安明

崇禎間余兼善捐田十畝造渡船木橋往來利之

壽昌縣

會通橋 新定續志在縣西市中跨湖表為之嚴陵
志唐縣令戴筠建宋理宗時里人劉仕重建明洪
武六年知縣彭子冲累石醜水為二道仍建瓦屋
五間萬厯壽昌縣志景泰中復壞義官翁志常建
嘉靖乙亥志常後人翁德靜翁如臯重建

宋公橋 新定續志在縣西二里長一十五丈宋郡

守宋鈞倡建因名壽昌縣志後圯元靜廬寺僧鎮
重建繪千佛於上又名千佛橋後圯明嘉靖三十
六年廣安寺僧太祥募建累石醴水為十二道

至仁橋 萬歷壽昌縣志在縣東五里以居至孝仁豈

二鄉界故名

翠溪橋 嚴陵志在縣東南七里累石醴水為三道

上布石闌宋端平間里人葉常管建

周養吾翠溪
橋晚眺詩晚

步翠溪上恐驚魚鳥知看雲偶成頌洗硯欲題詩
雨潤花生筆風輕絮點眉忽聽鶯語好不覺立多

時

廣濟橋 萬厯壽昌縣志在縣南十里景泰三年邑人徐彥銘建後圯邑人李親等重建

顏公橋 新定續志在縣西十里曰航頭長四十二

丈累石醞水為十道宋郡守顏頤仲建因名嚴陵

志後圯於水元靜廬寺僧鎮重建

翁洮春日題航頭橋詩故園橋

上絕埃塵此日凭闌興自新雲影映將仙掌曙水光迷得武陵春薜蘿烟裏高低路楊柳風前去住人莫怪馬卿題姓字

終期雲雨化龍津

玉虹橋 明一統志在縣東二十里嚴陵志宋嘉定

間邑人鄭執信建

鄭以耕過玉虹橋詩玉虹跨水久知名南北驅馳此間程風雪

策驢天上下涼秋踏月夜虛明荷花隔岸薰殘照柳絮撩人弄晚晴愛有四時橋畔景酒旗茅屋更

書聲

梅川橋 嚴陵志在縣西南三十里累石醺水為三

道宋南渡後建

皆喜橋 壽昌縣志在縣西北四十里明成化十一

年僧淨圓募建西有皆喜亭

龍嶧橋 嚴州府志一名壽春橋在縣西四十里明

正統間余公茂徐士敏建

淤塌渡 嚴陵志在縣東十里

周養吾淤塌渡詩野水滔滔北會通往來

行色見孤蓬桃花錦鯉千層浪柳絮黃鸝兩岸風
明月滿船天上下青雲萬里客西東如今歲暮無
人渡閒却溪頭簑笠翁

分水縣

慶雲橋 嚴陵志在縣南一里慶雲坊

雙桂橋 嘉靖浙江通志在縣西一里宋王縉子曰

休日勤同登進士因以名橋

定安橋 分水縣志舊名順安橋在河頭溪係東門孔道向建石橋圯於洪水後易石以木

國朝康熙二十年知縣李欒重建石梁比舊增高五尺洞橋 嚴陵志在縣西二里縣丞李德固重建

濯仙橋 嘉靖浙江通志在縣西四里嚴陵志月溪院前相傳昔有仙人濯足於溪石上故名

藍田橋 嚴陵志在縣北二十五里明正統三年知

縣陳貞重建

觀橋 嚴陵志在縣西三十里邑人章高建

寶定橋 嚴州府志在縣西北生仙鄉

河頭渡 嘉靖浙江通志即天目渡路通新城臨安

溫州府

永嘉縣附郭

新橋 萬厯溫州府志在府治前正德丁丑郡守陸

鰲開新街始建

華蓋橋 萬厯溫州府志在府治東王光薦重建

惠民橋 溫州府志在府治西明嘉靖庚子郡守郝

正叔察院於城隍廟西始建

五福橋 明一統志在府城譙樓前溫州府志又名

本州橋

蜃川橋 永嘉縣志在平水王廟西明萬厯間建今

俗名虹橋

洗馬橋 溫州府志在府治西宋洗馬陳龜年建

永寧橋 萬厯溫州府志在少保坊

楊蟠永寧橋詩
過時燈火夜簫

鼓正喧閭三十六
坊月一般今夜圖

慈湖橋 嘉靖浙江通志宋郡守慈湖先生楊簡立
鄉校於此故名

上安橋 萬厯溫州府志在象門宋高宗旋駕問何
名知州盧知原以上安對高宗悅命金書橋額

永嘉縣

城外
關梁

雙蓮橋 永嘉縣志在永寧門外舊有蓮花並蒂之
瑞故名

國朝康熙十二年里人林兆斗等募緣重建

崇兆豐募
建雙蓮橋

序蓋聞秦帝東巡始留鞭石周王西幸爰有造舟
津堠有阻而必通川澤非梁而莫濟是以夏陽當
險寔鑄鐵牛河北衝流用沉石鰲岸非千里曾表
大夫之名橋異七星亦是崔公之惠豈非蹇崩不
算責在長人啟塞從時關於王政者哉唯茲雙蓮
橋者肇基典午傳瑞累朝直通白虎城南橫跨玉
蟾河上人家夾岸烟水橫塘洵五色之要津八閩
之孔道也三千波浪漂搖木客之巢十二關干零
落老人之齒匪但提盈荷重愁從雨後經過即教
倚杖扶輿怕向風中逆度險驚遊騎漫云雪盡馬
蹄輕坦異板橋最苦霜多人跡滑余目擊危梁情
悲折柱重修有願獨力未能唯冀達官貴人分東
閩西園之費素封巨室捐鐘鳴鼎食之資俾選石
以鳩工始乘時而竭作看虹飛斷岸彩映斜陽龍

卧清流勢連隱霧廬幾萬安渡口千年
猶誦君謨七里山塘百代惟傳居易矣

青雲橋 永嘉縣志在永福門外舊名綠野里人方

銓建

國朝康熙十一年銓裔孫大茂等修

狀元橋 萬厯溫州府志在六都宋狀元趙建大建

寶慶橋 永嘉縣志在鎮海門外

國朝順治十五年圯後置木橋潮流奔激每致倒壞康

熙十八年總戎陳世凱倡率僚屬重建

樂清縣

黃華關 海防圖略屬樂清縣去府城八十五里

謹按黃華關在黃華水寨東其地有黃華山因名
明嘉靖中倭嘗登此黃華之外為下馬洋嘉靖三
十二年叅將湯克寬追黃華賊戰於是洋海防考
云倭犯黃華必由邨山大麋山及黃大畧而入黃
華關迫臨海
口汎守最要

惠政橋 嘉靖浙江通志在縣鼓樓前樂清縣志元
至正間燬明洪武五年知縣鄔珏重建

寶帶橋 明一統志在縣治前萬厯溫州府志舊有

吳家橋在東七八步宋令王傳以橋北居民塞縣治前乃以橋址易民居增創大橋接前郭路名市心橋元至正丙午重建改今名

姜公橋 萬厯溫州府志在澄清坊邑令姜光建

黃說

重修姜公橋記樂成為邑負山瀕海東西兩溪左右關治其委甚遠入於東海民居介乎其旁鱗集柳比舊有橋以接通衢淳熙已亥傾於洪濤令尹袁公重修復壞於淳熙丁未幾二十年渡以畧約行者喘焉公求宰是邦力自撙節百廢具興迺視舊址斥而廣之尉商碩贊其議為橋五間雄壯軒偉往來憧憧如行康莊雖陰雨晦冥不吾蹶驚颺怒濤不吾怖經始於嘉泰壬辰之良月成於明年

之孟夏為錢二百萬畝不及民而用度足役不違
時而工力備邑父老取公姓錫於橋以示無窮之
思詩所謂愷悌
君子公其有焉

文峯橋 溫州府志在東山下外有登瀛橋在城內

東小河上

八接橋 明一統志在縣南門外宋時方臘黨俞道
安來寇先鋒將張理同李振出門迎敵渡此橋橋
斷馬蹶溺死

胡公橋 樂清縣志在縣治西南又名文虹橋明天

金史卷一百一十五
卷三十一
啟丙寅縣令胡良臣建其高略與城齊層級以上
中廣而坦旁有石欄遊者憇息焉時有耆民李廷
芳捐資助建

迎恩橋 萬厯溫州府志又名壽寧橋在西臯驛路

嘉靖間里人趙景裴重建萬厯間景裴子裒修

萬橋 萬厯溫州府志在縣東二十五里以宋萬規

建故名

萬規萬橋記涉滄海者先虞其險不可以
屆其達登泰山者先憂其危不可以造其

高是豈忘高遠哉無高遠之志不拔之誠樂於須
臾而忽於持久故耳吾於茲橋之謀始也患力之

未濟思有同志者偕成既不可得越三年而謀獨成方靖其趾未踰歲月以洪湍奔突而顛仆者幾半再越三年更募海民運石以趾之民方憚其險而不應募者數日會海乏鮮食瀕海民無以為生翕然相率就工日不下百餘艘凡兩月積五千餘運遂築成東西兩灘上下一百尋截江三千丈方秋雨大集山溜盤湧復衝壞其灘衆皆曰勞而無成愚亦甚矣吾亦不憚勞復增石以固之加二十餘艘厥址固矣乃累橫石為四柱其形銳而大一柱之廣縱二尋橫二尋有半共三尋有畸埋灘淤之下出灘之上者裁二尋有半上跨木為梁其柱疏以立其間迂而濶以石不能跨故也經始於歲之丁卯訖工癸酉之春凡費錢三百有餘萬而橋成

行春橋 鴈山志在能仁寺前西谷諸水由橋下出

筋竹澗入於海

星橋 鴈山志在淨明寺前傍視橋下空明如星極其精固至今畧無震動俗傳昔僧富鎔銅鑄作而成者

檉岡渡 溫州府志在十六都即清江本名纜與渡

明嘉靖間改於山内十里曰金沙渡

洪垣檉岡渡記東鄉舊有

檉江渡當山外海口每遇風輒哮激中流篙子索錢往往罹溺朱公諫建議易巨艘復往視謂必遷於山内令王汝璣度其處南金雞山北沙步山去前渡近十里許江狹水緩成路二十餘里馬道八

十餘丈

石門渡 溫州府志在縣東百里石門潭去潭百步

溪淺可涉或遇暴漲則令溪旁居民以竹筏濟之

章可象石門渡詩海國天初霽羣峰翠欲浮舟橫
春水渡人倚夕陽樓巖屋纏青蔓江沙起白鷗杖
藜何處叟扶
醉過溪頭

橫春渡 樂清縣志又名館頭渡江船舊有帆每多

覆溺邑侯俞文榮令悉去帆存櫓於是渡者鮮溺

人便之

袁業泗橫春渡詩畫舫衝寒待曉光淡烟
籠水碧茫茫黃茅野店雞號月紅葉山村

犬吠霜到枕鐘聲催客夢眠沙鷗鳥笑人忙為官三載成何事贏得新詩滿錦囊

平陽縣

江口關 海防圖略屬平陽縣去府城一百三十里

謹按江口關下臨橫陽江為往來衝要明設江口水寨在縣南金鄉衛東南臨大海控五嶼等巢外接琵琶長腰陌成洋嶼等大洋為平陽門戶嘉靖三十一年倭犯平陽前倉湓口諸處從此港入南至肥關炎亭北至瑞安飛雲鳳凰皆其哨探處也

鎮下關 海防圖略屬平陽縣明弘治年間因蒲壯

二所船料缺額故廢隆慶四年軍門谷中虛題設

謹按鎮下闕坐臨大海其東有官寨舟師駐泊處
也出縣直衝臺山小洋倭犯鎮下闕必取道官寨
守禦

最切

縣前橋 嘉靖浙江通志在縣治前平陽縣志即州

橋

抗雲橋 溫州府志在縣治北即鼓樓橋

飛龍橋 溫州府志在學前知縣胡賓造

文昌橋 平陽縣志在儒學南七絃水經其下即蕩

洋橋

水倉橋

萬厯溫州府志在東門外

元扈橋

平陽縣志在北門外署縣同知姚榮因縣

治水直衝捐俸築埭并建橋後令許光岳竟其事

白石橋

萬厯溫州府志在西門外

西浦橋

萬厯溫州府志係浙閩通津潮勢迅疾屢

築屢圯成化間令王岳修萬厯二十一年令朱邦

喜重修

河崢橋

萬厯溫州府志在江口巡檢司後

蕭家渡 萬厯溫州府志在鳳林鄉宋侍郎蕭振創

故名明天順間渡者索錢商旅病焉坡南周尚志妻曹氏置義渡以濟邑人孫崇祥建亭於渡之北

涯以便行旅憩息扁曰雨暘一憇亭

王十朋蕭家渡詩渡頭問

舟子此渡何名蕭舟子笑答我使君家匪遙豈不聞侍郎名德重本朝屢為二千石兩置萬里橋渡旁乃其宅人亡木惟喬陰德滿鄉閭佳話傳漁樵近同池號謝遠類江稱姚報顏謝舟子講聞非一朝恨生晚且賤無由際清標蘇公不識歐韓子思之僑敬瞻通德門魂往不可招

平安渡 嘉靖浙江通志舊名江口渡在東鄉九都

平陽縣志元大德十年滕天驥因兩岸石道傾圯捐修北岸長一百二十丈南岸倍之高廣各七尺兩岸各為石門顏曰平安渡延祐四年郡守趙鳳儀重修明弘治四年壞令王約重築置官船僉渡夫四名給以工食

國朝順治十八年遷棄馬道又傾南岸尤甚康熙十七年左營守汛把總胡大倡捐兵民樂助重砌南岸馬道五十餘丈建天妃宮於渡旁

瑞安縣

飛雲關 海防圖略屬瑞安縣去府城八十里

謹按飛雲關在飛雲渡安陽江津濟處也波流洶湧橫截南北往來者必出於此渡西有中洲東出為飛雲水寨海防攷云飛雲水寨西去金鄉衛百三十里此為溫州適中之地南臨海港外接鳳凰山內通府城郡境之衝要也

磐石北隘 兩浙海防類攷續編東至大海南會陌城寨西平陽所北會陟門極為衝要

太平橋 瑞安縣志在治前新街西

廣濟橋

萬厯溫州府志在東門內廣濟廟前

倉橋

瑞安縣志俗名謝婆橋在秀峴街西倉前

通濟橋

嘉靖浙江通志在縣西南瑞安縣志舊名

通津

新渡橋

萬厯溫州府志原在永安市洪水衝坍萬

厯十五年邑令章有成改築清風山畔上有橋屋

行人便焉

平安橋

瑞安縣志在飛雲江南岸河頭大路西

錦湖橋 嘉靖浙江通志北湖在城北一名錦湖有

錦湖橋

雲聚橋 瑞安縣志在資箐河內為沙塘上下莊及

資箐三畧要路

國朝康熙丙寅六月有龍乘黑雲至此壞石橋今復修

建

穗豐橋 瑞安縣志跨官塘河舊有水則刻橋柱上

飛雲渡 名勝志安陽江在縣南舊名安固又名羅

陽又名瑞安又名飛雲渡瑞安縣志在城南門外
浙閩要津明嘉靖間額設官渡十隻止存其四攬
載多人屢有覆舟之患令劉畿察知其弊造官渡
十隻分布兩岸歲久舟壞

國朝康熙十六年民陳克受等募民製為義渡副將劉
順復捐俸創渡舟八隻往來稱便

林景熙飛雲渡詩人烟荒縣少

澹澹隔秋陰帆影分南北潮聲變古今斷碑僧
塔遠初日海門深小立蘆風起乘槎動客心

中洲渡 萬厯溫州府志在橫山邑令劉畿重建

林

中洲波記瑞邑瀕江而城南門有飛雲渡迤西上游七八里許地名中洲其視飛雲也形勢減五之一湍濤殺十之二道路之所出足跡之所經其為要且劇者如之但居民遠黟林莽蕭條暑無所休雨無所庇風波簸蕩無所信次勢必冒涉沒溺之患時亦有焉劉侯廉其狀歎曰茲民病也廼為之益舟分濟典司稽覈之規悉準飛雲仍召耆民李允憲等謂曰中洲為渡古矣北涯有基舊名千秋橡宇草剏汝其飭之南涯之野荒閒無依行道艱勸汝其營之遂捐資聚財卜日鳩工建亭三間乃輦巨石築甬路十數丈起自亭前而下屬之江經始於甲寅季冬不踰月而工告成

泰順縣

分水關 泰順縣志在八都

馬森分水關詩出關關土盡征路楚山迎曉霧

連空暗炎天過雨清人來千樹杪鳥雜百泉聲每
憾便與閨難從石罅行徐階分水關詩峻嶺聞關
服重關限楚氛星隨分野異地漸煥涼分人語
聽難辨山名得未聞所嗟南逝水不似北歸雲
謹按分水關與平陽縣西南之松山相接泉發隴
上東西分流以限閩浙山下地名平水達前倉江
可通舟楫吳越嘗守此以與閩人相拒海防攷云
分水嶺隘當浙閩之交自閩而東必由此至平水
過牛皮嶺一路由蕭家渡至縣東自縣抵瑞安道
二百五十里一路由莒岡至縣西自縣抵青田道
二百餘里又由縣東北達桐嶺
可竟至府城此控扼之要也

羅陽第一關 泰順縣志在洪口東渡之西明隆慶

二年令吳敦本建

謹按羅陽第一關在縣東四十里道出瑞安其地有洪溪匯入龍潭謂之洪口溪流環繞有東西二渡水陸往來者多出於此又有桂峯東南關在縣南七十里其地有桂嶺旁立兩關以路通閩括故設置於此

太平橋 萬厯溫州府志在縣東正德間洪水衝壞

令劉桐重建嘉靖二十六年令蔡芝復建

吳國器重修

平橋記泰順治之北有溪流發源於枯蒼迂迴曲折達泮宮之右湍流而號不息直走閩地正德十有四年邑人張璉伐木為橋久之而頽且圯矣嘉靖己酉秋蔡侯至舉廢興墜乃語張氏之後曰太平橋之建也始於汝祖汝其新之以繼汝祖之美者民曰張坦醫官曰張贊咸驩然趨事侯乃取能

於其工焉取力於其壯焉木者石者陶者咸中式
經始於八月四日告成於十月望日更題曰登雲

橋

泰順縣志崇禎二年圯知縣潘仲蘭重建

仙居橋 嘉靖浙江通志在縣治東十五里萬厯溫

州府志令郭顯宗建成化十九年洪水衝壞令范

勉重建嘉靖三十九年復壞四十二年令區益重

建

董玟
為記

國朝康熙十二年里人復造

鎮東橋 萬厯溫州府志在宣陽門外泰順縣志明

隆慶四年造

鎮南橋 泰順縣志在迎薰門外半里明正德間知縣劉桐建萬厯間署縣通判車登雲重建知縣涂鼎鼐重修

愛薰橋 萬厯溫州府志在迎薰門外舊名平溪嘉靖三十年令區益建泰順縣志崇禎三年知縣潘仲蘭建知縣涂鼎鼐完其功改名興文

國朝康熙六十年知縣張仕驤重建

東渡橋 泰順縣志在城東四十里明正德間訓術

陶器創建嘉靖己未燬隆慶五年知縣王克家重

建

曾中
為記

崇禎四年知縣涂鼎鼐重修

國朝雍正九年知縣朱國源重修

桂峰橋 泰順縣志在四都舊橋狹隘明隆慶四年

陶汝仁改立大橋捨租四十貫贍守者使備商旅

薪水之需

南院水尾橋 萬厯溫州府志隆慶四年令王克家

建

東溪渡 嘉靖浙江通志在縣南八十里泰順縣志
舊以漂沒為患饒文始倡首告縣歲編夫船仍自
募衆置田以贍渡夫

洪口渡 溫州府志在縣東四十里

國朝雍正六年知縣朱國源設渡船并添給船夫工食

處州府

麗水縣
附郭

應星橋 明一統志在府治東南名勝志界在南明

行春二門之間以郡應處士星故名

耐心橋 崇禎處州府志在府治前以訟者至此宜
懲忿自抑而止其競心也

樹德橋 崇禎處州府志在縣前百餘步

麗水縣

城外
關梁

清香橋 崇禎處州府志在通惠門西五十步引麗
陽溪支水從壕河入城過橋為淨池以瀦水即古
放生池宋紹興十五年郡守徐度建放生亭於上

植荷池中清香芳郁故名

黃靈橋 括蒼彙紀在放生池東唐李邕於此撰葉

慧明神道碑云狗赤松之遊蹤黃靈之術故名

張公橋 括蒼彙紀在放生池西南名勝志舊傳呂
洞賓洗楮被於此故橋下水不臭穢

濟川橋 嘉靖浙江通志在括蒼門外跨大溪造舟

為梁崇禎處州府志宋乾道五年郡守范成大刻

銘及橋規於石

范成大平政橋石刻括蒼帶郭浮
橋歲久不葺民苦病涉乾道四年

冬郡守范成大實始改作郡從事張徹惠利民歷
水踪留清卿調其工費以授州民豪長者四人使
董役吏毋得有所與凡為船七十有二聯續架梁
為梁三十有六築亭溪南以蒞之歲十一月橋成
名之曰平政亭成名之曰知津又得廢浮圖之田
五十畝於縉雲以其祖屬亭歲時治橋俾勿壞明
年正月大合樂以落之衆請銘其事於石使後有
攷銘曰孰梁斯兮踏淵若衢我維新之柳柳其臚
工庥於亭有粟在樛豈維新之永以不朽明初叅軍胡深鎮枹改建於

通惠門外桃溪下因水勢迅激徙枹蒼門外洪武
間郡守袁敬重造永樂八年蕩於洪水景泰間郡
守張祐議請照依驛遞事例於各縣田額科取修

葺其法頗良萬厯五年郡守熊子臣重建二十二
年郡守任可容裁葺增置渡船供濟二十八年郡
守李淳因民稱不便通詳重建復置南明門外繫
以石柱甃以巨埠規制井然三十五年郡守陳見
龍復建於括蒼門外歲久復廢以渡船代濟其渡
租又入官無船可渡民甚苦之崇禎元年守道張
福臻命同知馬承緒復造渡船給租如前未及一
載租復入官船并廢郡守朱葵捐俸重造

國朝康熙甲寅後屢壞雍正八年知府曹掄彬重建

李衛

重建濟川橋碑記事有偶舉一端而可以觀為政之大體澤有僅被一隅而可以規急公之實效則必為之綜其初終核其經費稽其工作簡其勞勩而勒諸貞珉使吾民知今日之鼓舞懽欣獲享利濟之樂而異日之所以綢繆保護傳之永久而不致有飄搖圯廢之虞者胥於是乎在予荷

聖恩畀以節鉞重任專閫兩浙六載於茲矣凡地方利弊民生休戚靡不悉心體訪及時修舉至於一郡一邑之中耳目所未及親歷者則付之所屬守令相與講求締造而一以利便生民為要約處之括蒼門外為各屬往來孔道俯臨大溪寬深莫測每當雨水驟漲奔湍沖激勢若望洋舊有浮梁綿亘數十丈以渡行者自康熙甲寅後一燬於兵燹再沒於洪流基址蕩然無存民之設筏代涉而喘喘

於胥溺者垂五十餘年歲在己酉曹守菴是邦廉知小民之苦於厲揭而又重慮斯橋之工鉅費繁猝難興復於崇朝也爰是相度經年多方拮据匝歲而橋成因以其事上白於予而丐一言為記予惟凡民之情可與安享其利於目前而頓忘共守其成於久遠爾處民亦念此日之長虹卧波幸脫塞棠之阨而坦然於視履周行之下者伊誰之力耶今斯橋及今不治其病於涉者將何所底也脫令今日治之而異日不以時修葺之其病於涉者安知不又猶夫昔也竊念我

皇上嘉惠元元德洋恩溥凡山陬海澨以暨草木昆蟲物靡不得其所而斯民之涵濡膏澤沐浴太平者尤深且厚際此席豐履豫之時宜益凜墜薄臨深之懼舍歧趨而遵大道去陷溺而就康莊一如斯橋之艤艣橫繫軌步徐行幾忘具在驚波怒濤之上也詎非至樂歟而又念官斯土者果能勤求民

隱呼吸相通弘綱不廢百度皆興俾斯民之咏樂
郊而熙攘交錯於途者視橋且不啻什伯焉則是
杠梁之為惠雖非廣濟博施而由此類推可以睹
為政之全體規急公之實效僅區區事舉一端而
澤被一隅也哉是役也費不取諸帑力不貸於民
經始於庚戌之秋旬落成於辛亥之桂月規模制
度悉中法程鼎建者曹守掄彬督理者署麗水令
王鈞監修則經歷司包文琦括蒼驛驛丞張榮顯
均有成勞
例得備書

桑溪橋 崇禎處州府志在縣西北五十里因圮里
人何鋼捐貲造今名延福橋

廣濟橋 嘉靖浙江通志在縣西二十里維舟為之

下河渡 崇禎處州府志去城五里有埠萬厯三十七年洪水衝沒郡守陳見龍重砌

石牛渡 崇禎處州府志在縣西二十里

青田縣

縣橋 崇禎處州府志去治南五步青田縣志明正德間知縣洪儒重建

惠濟橋 青田縣志在東郭倉前宋寶慶間運使鄭剛建

龍門橋 嘉靖浙江通志在縣東一里青田縣志宋

紹定辛卯國子正留棋二子重建舊名城門橋

永濟橋 嘉靖浙江通志在縣西北隅崇禎處州府

志一名上店橋一名通濟橋架木為之青田縣志

慶元初待制鄭汝諧以石為之

鄭汝諧永濟橋記
青田為邑介於川

谷之間西北隅有橋曰濟寧未數歲即圯令尹黃
君由已蒞官之始一日過余曰橋據往來之衝壞
久勿葺民病於涉利無急於是縣窘於用不敢取
諸民姑即舊以木扶持之可乎予曰不為則已為
則必以石雖艱於始能永其利鄉人素嗇於施試
為出數語且捐金以為率黃君即集士夫而觴之

合席無難色有捐錢五萬者其次或三萬或二萬轉率士夫之鄉居者數亦如之合所得幾百萬鄉官趙希慥劉陟首任其事於是諏日度地補空增卑始於慶元二年之七月閏四朔而告成邑士請予識其顛末遂記其畧黃君易其名曰永濟其意又可嘉也

後暴流衝壞中書

舍人陳希點更造以木甃以磚覆以亭歲久復壞

明洪武庚辰知縣謝子襄重建改名遵化成化癸

卯知縣楊麟縣丞李思賢耆老王孔覲重修復名

永濟嘉靖癸丑知縣李楷再修崇禎間復為水壞

知縣楊文驄重建

大地橋 崇禎處州府志在芝溪口宋崇寧二年朱
文顯建明正統間義門梅尹遜重建成化間採石
為之

百丈漈橋 嘉靖浙江通志在縣南水口崇禎處州
府志其漈去橋里許高峻百餘丈半漈有大石柱
瀑流飛激其聲如雷傍有石室故老云陶真人煉
丹於此

黃輿橋 崇禎處州府志在三都河南成化間義官

葉寵建

鶴昇大橋

崇禎處州府志在縣西五十里舊名康

濟至大三年建

問津橋

青田縣志在縣西七十里石門洞側古名

活活橋

縉雲縣

桃花隘

名勝志馮公嶺亦名木合嶺嶺上為桃花

隘

謹按馮公嶺亦名桃花嶺即占桃枝嶺也陳天嘉三年留異據東陽遣侯安都討之異以臺軍必自錢塘上既而安都由諸暨出永康異大驚奔桃枝嶺於巖口樹柵以拒之安都進攻因其山勢迫而為堰會潦水漲滿安都引船入堰起樓艦與異城等發砲碎其樓堞異脫身奔晉安即此嶺也宋楊億比之蜀中之劍閣明初耿再成駐兵黃龍山處州將石抹宜孫分兵屯桃花嶺葛渡樊嶺及龍泉胡大海自金華南出軍樊嶺與再成合攻之再成取間道出桃花嶺後連拔桃花葛渡二寨遂薄處州城下宜孫敗去蓋山勢嵯峨險仄上接雲霄咽喉之地一夫可守誠一郡之鎖鑰也

龍津橋 嘉靖浙江通志在縣東五十步詹適建亭

其上名曰巽亭

國朝康熙二十二年知縣霍維騰捐資造船民無病涉

東渡橋 崇禎處州府志舊架木成梁計二十九間

知縣雷叔閫改為浮橋在縣南五里許縉雲縣志

知縣霍維騰重建

荆坑橋 縉雲縣志在縣南二十里累被山水衝廢

知縣霍維騰捐資督造

猛將橋 舊浙江通志在縣東北六十五里下潛地

方有石長數丈廣一丈厚五尺許世傳為潛猛將

手挾其石頤之橋成傍有猛將廟

長瀾橋 崇禎處州府志在二十二都廢久萬厯間
邑人朱昌建石步洪水衝壞崇禎辛未御史李潯
改建又壞縉雲縣志知縣戴名振捐造

溪頭橋 縉雲縣志在縣東六十里知縣霍維騰重
修

松陽縣

洞陽橋 名勝志在縣東里許桐溪水所經與巖塘

五赤淨居裕溪諸水合

光華橋 舊浙江通志在縣東二里

濟川橋 崇禎處州府志在縣南三里舊有浮橋今

改板橋

毓秀橋 名勝志在清溪水西相傳宋高宗為金人所迫航海由溫州過青田海潮直送至此

仙人橋 括蒼彙紀在白雲山上崇禎處州府志白雲山前雙石聳竄頂有石橋人不可涉俗云仙人

橋

唐寶仙八橋詩翠微隱隱徑迢迢大室春深趣更饒滿院松花金席地半山雲帶玉橫腰三天

飛出西湖寺秦石驅來東海橋何處天風送靈籟不堪清耳聽簫韶

竹客橋 名勝志在竹客嶺路通宣平故稱險塞水

出東西坑為龍潭而橋翼於其上

淨居橋 崇禎處州府志在縣東四十里括蒼彙紀
淨居之水出焉西山王子敬作十咏題其勝

裕溪橋 松陽縣志在縣東五十里水出黃家田有裕
溪橋括蒼彙紀明萬曆六年知縣羅應兆建

義渡橋 括蒼彙紀舊名五赤橋明弘治間邑人詹

守之建隆慶六年圯知縣楊維新重建

遂昌縣

新嶺隘 崇禎處州府志在縣北六十里山勢峻絕
兩山如門北至衢州龍游唯一道可通明正德間

知縣張鉞以江西姚源之變因設寨焉

謹按縣南八十里有貴義嶺隘縣西一百三十里
有龍鼻頭隘皆明正德間知縣張鉞設寨處又有
礮口隘在縣西一百四十里坑西隘在縣西一
百八十里因嘉靖間礦徒竊發故設寨守之

雙溪橋 崇禎處州府志在邑東一里舊名迎恩遂
昌縣志元至大元年主簿楊廷瑞建後圯明宣德
五年御史潘岳改建又圯正德初知縣邵文忠鳩
石經始末幾代去知縣張鉞治之下為三洞門上
覆以瓦屋凡五間

鄭選
為記

國朝康熙五十年知縣繆之弼重建

瑞仙橋 崇禎處州府志在邑南七十步舊名登瀛
又名披仙元至大三年達魯噶齊安達拉建

國朝康熙五十一年知縣繆之弼重修

安定橋 崇禎處州府志在縣南半里明正德間里

民成之橋首建亭扁曰清趣外復構小亭以憇行

旅

國朝康熙五十年縣學生李瓊藻等協力重建

永安橋 嘉靖浙江通志在縣北一里遂昌縣志俗

稱東梅宋嘉定間知縣陳逵因木橋易朽募民疊

石為址改書濟川之梁

陳逵濟川橋記縣北二百步有大溪焉昔人為橋以

濟涉歲久木腐前令欲改造無所費而止有獻策
許富民輸金贖罪為費者予謂幸人有過以集吾
事非政也濟人之心誰獨無之期日會議人德吾
語咸齎金來會一日得錢三十萬聞者願出所費
以後為愧乃擇士之廉而才者司其事以有位望
者董之掄工相地謀易以石中流沙瀨基下實則
不崩工人欲盡屏去交木飛梁而虛其下唯兩石
累土與木相資為固予然其言使畫成規修二十
五步廣十分之一屋十有三間中與兩端為亭餘
為廡翼為欄棟糜錢百九十萬而贏費日十二旬
有奇不藉官助如期而成既壯且麗可經久
遠橋舊名永安無所取義改題曰濟川之梁

明萬

歷十年知縣王有功修四十一年知縣林剛中重
修崇禎丁丑橋壞知縣何廷棟修後邑令韓武復

修至今堅固

平政橋 崇禎處州府志在碧欄橋下明隆慶元年
知縣池浴德因碧欄橋改建萬厯中令鍾宇淳復
於舊所築石壘址鼎新建造改名通惠

國朝康熙四十九年知縣繆之弼修

三峰橋 嘉靖浙江通志在縣西十里崇禎處州府
志明嘉靖九年道人募築石梁甫成隨地道人復
竭誠普化以成之有亭在橋東俗名三墩橋

好村橋 崇禎處州府志一名攀桂橋在邑西二十

五里即好川也

永通橋 舊浙江通志古名桃溪橋在邑北四十里

龍泉縣

小梅隘 龍泉縣志在南一都距縣七十五里界慶

元明正統間立

謹按小梅隘在小梅嶺上東至慶元縣七十里南至福建松溪縣六十里為入閩之間道又吳岱隘在縣北七十里吳岱嶺上接松陽遂昌縣界正統中重置縣西七十里又有供村隘接浦城慶元縣

界嘉靖中置又西二十里有鴉秦隘亦接浦城界
正統中重置又武溪隘在縣東七十里武溪嶺上

亦正統中置

接雲和縣界

披雲橋 括蒼彙紀今名凌雲龍泉縣志舊在縣西

萬壽宮西元庚子春指揮章蘊德徙基於宮之東

明洪武癸丑燬道會季道宗重建弘治間邑令潘

祖紳重建嘉靖元年洪水漂沒三年邑令朱世忠

募衆重建

濟川橋 名勝志去縣三百步崇禎處州府志跨雙

溪枕中洲垂南北兩岸舊名清化宋何執中易令
名米元章書額橋之上有閣何才翁與眉山蘇軾
遊西湖隅談及此蘇遂大書留槎閣三字賢良陳
舜俞續題詩時謂閣之雄偉字之遒勁詩之警拔
號稱三絕元戊寅火後皆草橋明成化壬辰火正
德癸酉又火嘉靖戊子知縣朱世忠捐俸鼎建俾
義民管晟等為倡無何陞福州府同知乃以閣屬
邑指揮吳克泰成之

張裕濟川橋記龍泉治南舊有橋跨雙流計數百武始名

清化令以濟川名中涌沙成洲構閣於上先已摧
毀者再建正德癸酉復罹孽焰長湖朱侯來宰斯
邑召父老計乃廉各隅淫祠香田羨金翼以餘俸
經始於嘉靖戊子春俾義民管晟等分任其事甃
石以固址度木以植楹架柱而護楠壘墩使高以
防水患砌牆間市以虞火災斧斤版幹子來聿興
越歲餘侯擢福州少伯去以閣屬吳克泰己丑冬
十有二月落成仍命曰濟川閣仍命曰留槎俯仰
巖壑吞吐光景隱若鰲負望如蓬瀛由是
往來稱便侯可謂說以使民知為政矣

續處州

府志萬曆二十七年夏壞於洪水是秋知縣章文
標重建

三思橋括蒼彙紀去濟川橋數十武東荷池中有

古龍壇池水紫碧色獨湫渦方廣似許清冽宋嘉
定戊辰四月湫中有異物如員魚俄而雲滃風怒
驟雨傾盆魚躍去尾類白蛇雨雹特甚後有投牒
石馬龍井中祈雨者翼日牒出此湫雨亦隨足自
後祈雨必先於此

武溪橋 龍泉縣志在東二十一都括蒼彙紀明萬
厯間知縣劉一德建鄉人鄭惟誼倡首

鴈川橋 龍泉縣志在東二十一都白鴈口明正德

間知縣葉竦委義民管晟重建

松衢橋 嘉靖浙江通志在縣西四十里龍泉縣志
明正德八年義民葉愷張宏募建

獨山橋 龍泉縣志在縣西十三都黃山明正德丁
丑張宏建

永和橋 括蒼彙紀明萬厯五年邑人項訓等建

永慶橋 龍泉縣志即井水橋在筆峰嶺下明永樂
間義官季伯宗建

慶元縣

興賢橋 慶元縣志在雲龍門外為泉水之匯元大

德間達魯噶齊于崇建於石龍寺門顏曰興賢明

天順間壞知縣沈鶴因龜石為梁名曰詠歸嘉靖

二十七年壞知縣朱芾重建萬厯三年知縣沈維

龍再建十六年又葺於水崇禎十五年知縣楊芝

瑞建改名楊公橋

陳函輝楊公橋記邑治之北距城數武而近在昔雖有橋梁其

再創於天順間者嘉靖末為河伯所潰迨萬厯初年復拓之尋就圯垂六十年於茲無有繼者姑熟

楊公蒞任之暮月毅然引為已任經始於癸未歲
孟夏以是年秋仲告成中豎一巍閣東北分建兩
橋架屋計十九間其長計二十四大廣計二丈一
尺棟宇莊嚴丹彩宏麗勢若長虹橫掛於絕壁危
澗之間蓋自是而輿馬可通商旅可行塞棠之患
息矣遂顏之曰楊公橋俾後之人顧名思義不且
千百年猶
如見公乎

國朝順治五年左橋燬知縣鄭國位重建康熙八年邑
人余世球修右橋及閭邑人姚鐸重建

太平橋 嘉靖浙江通志在縣西舊名坑橋慶元縣
志元至正十年火二十六年重建改名太平明嘉

靖二十五年築城橋毀四十三年知縣張應亮從民請增開小水門改名水門橋崇禎間火續建

攀龍橋 崇禎處州府志在縣南慶元縣志明隆慶二年里人吳道揆建萬曆三十六年子倬重建

國朝康熙二年孫麗明王眷王賓王鍾再建

濠洲橋 嘉靖浙江通志在二都元至元間建慶元縣志明嘉靖五年邑人葉享重建

棘蘭橋 舊浙江通志在棘蘭司側慶元縣志明萬曆

三年知縣沈維龍建

黃荆橋

慶元縣志在寨後坑明洪武十八年建後

壞永樂十六年邑人吳均平重建隆慶四年壞知

縣朱芾重建

槎溪橋

嘉靖浙江通志在八都宋淳熙間建慶元

縣志明嘉靖四十三年知縣張應亮修萬曆二十

二年壞於水知縣鄧建邦重建改名通濟

鄭汝壁
槎溪橋

記慶括巖邑也地當閩浙之交而八都離城二十
里水勢迴旋蓋水口所闔為邑孔道舊有橋興廢

不一正德間邑令何公鰲架木為之至萬厯甲午
屢水大發橋壞無存春夏之交溪流迅駛墊溺者
衆往來病焉知縣鄧公捐俸首倡而鄉之士民咸
樂於助疊石為墩者五每高二丈濶比高之數縮
其半度屋三十七楹甍甍精密結構
堅固民有攸濟矣橋成徵予為記
尋壞今建草

橋

阜梁橋 崇禎處州府志在九都竹口慶元縣志明
永樂九年里人周喜初建嘉靖十一年通判周紳
重建萬厯四年壞知縣沈維龍修建

國朝順治間竹口居民重建

雲和縣

縣前橋 嘉靖浙江通志在縣南雲和縣志知縣劉

琛建

桂林橋 崇禎處州府志在萬壽宮前

步月橋 括蒼彙紀在鳳山麓旋帶學宮縣治

沙令橋 舊浙江通志在垂休寺西括蒼彙紀橋南

倚溪之側有覺是亭邑人吳浩建

梯雲橋 括蒼彙紀與沙令橋近

祈豐橋 雲和縣志知縣林汪遠建祈年有應故名

石門橋 舊浙江通志在縣東五里

兼濟橋 括蒼彙紀通景寧邑人陳良言柳仲楷建

七尺渡 嘉靖浙江通志在四都雲和縣志縣編渡

夫四名

謹按七尺渡在縣西三十里尺一作赤西至龍泉縣之武溪隘十里兩縣接境處也羣山四合溪流橫亘其中疊石架梁以通行者有間道達石塘及松陽至為險要

石塘嶺根渡 雲和縣志在八都舊無船往來阻涉

明嘉靖壬午知縣胡希銓歲編渡夫一名

宣平縣

三元橋 嘉靖浙江通志在縣南一里宋景定初建

明正德甲戌重建

王損重修三元橋記距城一百二十里為宣慈鄉北抵金華南

通甌海沿流浚源於樊岡春湍夏潦衝激悍駛涉者病焉宋景定間鄉之祝氏王氏鄭氏協力以建二橋歷年多壞於水火歲甲戌松坡王君子文好善勇義慨然勉承舊緒復捐金穀崇址於淵醴流為三道梁駕其上每長二十丈有奇每一丈有四翼以扶楯如其長之數而倍之輦飛輳集烟火相望普照寺覺菴圓上人白業宏願協衆皆樂施舍而王君子仁克敦祖訓又予以地遂捐衣鉢建佛

堂於岸左又助田若干資湯茗暍日以
飲行者於是橋與堂相與為無窮矣

槐溪橋 崇禎處州府志在縣東五里天順六年道

士高希度建

通濟橋 括蒼彙紀在縣南宋里人鄭嘉遜建歲久

屋壞明景泰間同知鄭建主簿練敬同修尋壞於

水嘉靖間知縣張俱縣丞宋鎬為石址橋屋改舊

名通德為通濟癸卯夏洪水復圯其半知縣蕭彥

重修

蕭彥重修通濟橋記宣平縣南有通濟橋初
以木為之而屢廢嘉靖五年縣尹張君俱來

宰是邑乃與二尹宋君鎬謀修之鳩材命工以石為基者五以木為橋屋者二十四梁成而張君擢興化府判宋君亦更餘姚去予至宣平縣之三年癸卯夏暴雨蕩溪而橋圯者半是秋予議重修捐俸金付諸尚義之士市木石趣寒沍而急舉焉甲辰夏四月橋則煥然復新矣

杉坑橋 括蒼彙紀始建前灣潘儀倡明隆慶三年

大水衝圯署縣事縉雲教諭劉瓚捐俸命儀之子正忠重修

濟民橋 崇禎處州府志在縣南六十里明洪武初里人祝伯思架木為梁景泰間推官黎諒重建天

順四年奉御楊均保重修嘉靖間知縣蕭彥重建
思恩橋 舊浙江通志在縣南六十里括蒼彙紀明
成化初縣丞溫潤重建尋廢置舟以渡

通仙渡 嘉靖浙江通志在縣南三十里即三港渡

路通郡城崇禎處州府志邑人祝宗捨田給之

王深

源三港渡記隸枯之縣七麗水為之冠隸縣之鄉
十宣慈為之冠其途四通五達有津曰三港行者
必經馬凡鄉之水皆會於茲素無舟梁之備是以
旱乾水溢行人莫不告病有祝君希聖者鄉之好
義君子也見而憫焉乃築室於津之陽擇謹厚者
居之籍良田三十畝俾歲收其入水縮則架木為

梁以利徒涉濫則具舟楫濟險灘且設茶以飲憩
息之勞者於是行者若履平陸無墊溺沾濡之患
莫不咨嗟歎息共稱
其賢屬余為之記

赤坎渡 崇禎處州府志在縣西北二十里路通白
岬坑及松陽

景寧縣

龍首關 景寧縣志在六都黃水坑去縣東二十五
里

謹按龍首關地名黃木坑懸崖絕壑最為險要關
即龍腦橋水流峽中兩岬陡絕架橋其上明嘉靖

中以倭亂故設關以備之又
有龍漚關在縣二都
白鹿關在縣一都俱嘉靖三十六年備倭知縣鍾
夏嵩

建

黃垓隘 青草隘 崇禎處州府志俱可防禦過此
為慶元縣

謹按青草隘東有綠銅隘去縣東五十里與青田
八都相接正統間黃壇盜起守此拒之寇不能上
又盧棲隘在縣東八十里與泰順縣小堰相接蜂
桶隘在縣東南八十里又南十里為石佛隘與泰
順之平寮相接明嘉靖間倭陷
泰順呂岡守此三隘以却之

上橋 景寧縣志在縣治左

下橋 景寧縣志在縣治右相傳有仙人臥橋上以扇揮蚊至今上下半里蚊皆不集遭焚久廢

國朝康熙四十四年重建改名睡仙橋

聚仙橋 括蒼彙紀在縣南十里湯夫人靈應仙蹟在焉

洪嶺橋 景寧縣志在縣北十里適府必由之路山水暴溢民艱於涉明隆慶五年知縣陳嚴之始設木橋民便之

白鶴橋

崇禎處州府志在縣南四十里建時有羣

鶴來集故名

渤海橋

舊浙江通志在縣北四十里

沈庄橋

景寧縣志與雲和接壤適府必由之路明

隆慶間邑民黃五掘地得金捐建

浮傘渡

括蒼彙紀在縣西大均潭馬女仙常以傘

渡故名

鍾夏萬浮傘渡詩古渡春雷動桃花浪欲生片雲三島遠孤嶼一朝平樹統神仙國

溪通錦繡城橫舟頻

擊楫莫自濟川名

浙江通志卷三十八